

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8



大方廣佛華嚴經卷第六十一

于闐國二嚴沙門實又  
清涼山大華嚴寺沙門澄觀撰述

C40  
4514

大法界品第十卷之

疏初來... 辨分乘夫... 因立證藉行深創

分証法... 此依人人... 亦為遠答解脫妙故

會品來... 亦... 妙初來... 意寺

者分來品來... 亦... 亦... 亦... 亦...

說而總別以明... 亦... 亦... 亦... 亦...

于此中... 亦... 亦... 亦... 亦...

五支那  
陸奥館身卷五十六

C40-4514



B 64853

大方廣佛華嚴經疏鈔卷六十之一

于闐國三藏沙門實叉難陀 譯

清涼山大華嚴寺沙門澄觀撰述

入法界品第二十九之一

疏初來意者先辨分來夫行因證立證藉行深前  
分記法行成故此依人入證亦為遠蒼解脫海故  
會品來意不異分來無別會品故 鈔初來意等  
者分來品來二意先約四分以明來意亦遠蒼下  
就前總別以明來意九會共蒼十海問故會品來  
下此中亦合有三來意然離世間雖亦一會一分



一品而其所對分會品差有二來意此中前無分會別對故但爲一。

疏二釋名有二初分名者謂依佛菩薩諸勝善友深證法界故名依人入證證法在已謂之成德。

疏二會名約處名逝多林園重閣會林名戰勝以表依人園名給孤用表悲厚重閣之義以顯二智互嚴悲智並爲能證亦爲重義若兼取城名聞物亦表依人約法如品名釋。

疏三品名者入通能所謂悟解證得之名法界是所入之海諸理事等別然法合持軌界有多義梁

論十五云欲顯法身合法界五義故轉名法界。一性義以無二我爲性一切衆生不過此性故。二因義一切聖人四念處等法緣此生故。三藏義一切虛妄法所隱覆故非凡夫二乘所能緣故。四真實義過世間法以世間法或自然壞或對治壞離此二壞故。五甚深義若與此相應自性成淨善故若外不相應自性成殼故上之五義皆理法界復有持義族義及分齊義然持曲有三。一持自體相。二持諸法差別。三持自種類不相雜亂與法義同族者種族卽十八界上二並通事理分齊者緣起事

撰述  
法不相雜故於中性通依主持業因唯依主後六  
唯持業心境合目名入法界始則相違終則持業  
入卽法界故 鈔梁論十五者彼本論云復次諸  
佛法界恒時應具五業釋論云此中明法身業而  
言諸佛法界者欲顯法身舍法界五義等餘同下  
結云由法身舍法界五義諸菩薩應見法身恒與  
五業相應無時暫離其五業謂除有情災患業等  
上文引竟然正是此下論文若世親論無此五義  
但說五業耳五義可知復有持義下第二雙約事  
理以釋法界於中有二先標二義後然持下別釋

義持及以法持自體義餘二可知於中下三釋名  
然直語一法則無六釋故會六釋唯釋界字於前  
五中除前二兼依主後六義皆唯持業心境合目  
下卽通品名會六釋耳

疏三明宗趣者分會品同既入法界爲目卽以爲  
宗於中三門分別一約義二約類三約位初中三  
一先明所入總唯一眞無礙法界語其性相不出  
事理隨義別顯畧有五門一有爲法界二無爲法  
界三俱是四俱非五無障礙然五各二門初有爲  
二者一本識能持諸法種子名爲法界如論云無



始時來界等。此約因義。而其界體不約法身。二。三世之法。差別邊際。各爲法界。不思議品云。一切諸佛知過去一切法界。悉無有餘等。此卽分齊之義。二。無爲法界。二者。一。性淨門。在凡位中。性恒淨。故真空一味。無差別故。二。離垢門。謂由對治方顯淨。故隨行淺深分十種。故。三。亦有爲亦無爲法界。有二。者。一。隨相門。謂受想行蘊。及五種色。并八無爲。此十六法。唯意所知。十八界中。各爲法界。二。無礙門。謂一心法界。具含二門。一心真如門。一心生滅門。雖此二門。皆各總攝一切諸法。然其二位。恒不

相雜。其猶攝水之波。非靜攝波之水。非動。故第四廻向云。於有爲界。示無爲法。而不滅壞有爲之相。於無爲界。示有爲法。而不分別無爲之性。此明事理無礙。四非有爲非無爲法界。三門者。一。形奪門。謂緣無不理之緣。故非有爲。理無不緣之理。故非無爲。法體平等。形奪雙泯。大品三十九中。須菩提白佛言。是法平等。爲是有爲。爲是無爲。佛言。非有爲法。非無爲法。何以故。離有爲法。無爲法不可得。離無爲法。有爲法不可得。須菩提。是有爲性無爲性。是二法不合不散。此之謂也。二。無寄門。謂此法



界離相離性。故非此二。又非一諦故。又非二名言所能至故。是故俱非。解深密第一云。一切法者。畧有二種。所謂有爲無爲。是中有爲非有爲。非無爲無爲。非無爲非有爲等。五無障礙法界二門者。一普攝門。謂於上四門隨一卽攝餘一切故。是故善財或觀山海。或見堂宇。皆名入法界。二圓融門。謂以理融事故。令事無分齊。微塵非小。能容十刹。刹海非大。潛入一塵也。以事顯理故。令理非無分。謂一多無礙。或云一法界。或云諸法界。然由一非一。故卽諸。諸非諸。故卽一。乃至重重無盡。是以善財

暫時執手。遂經多劫。纔入樓閣。普見無邊。皆此類也。上來五門十義。總明所入法界。皆應以六相融之。二明能入。亦有五門。一淨信。二正解。三修行。四證得。五圓滿。此五於前所入法界。有其二門。一能入。通五所入。隨一所入。徧五能入。二此五能入。如其次第。各入一門。此上心境二義十門。六相圓融。總爲一聚。無障礙法界。鈔無始時來界。已見問明。及五種色。分八無爲者。五種色。卽雜集第一云。法界處所攝色者。畧有五種。謂極畧色。極迥色。受所引色。徧計所起色。定自在所生色。極畧色。

者謂極微色。極迥色者謂離餘礙觸色。受所引色者謂無表色。徧計所起色者謂影像色。定自在所生色者謂解脫靜慮所行境色。前釋迥色云。謂離餘礙觸方所得。又釋空一顯色云。謂上所見青等顯色。就此二色。析至極少。名極迥色。餘之色義。已見上文。言八無爲者。已見十歲。謂六中開具如爲三性故。其無礙門亦見問明。不合不散卽不一不異。義也。二無寄門者。然形奪者。要二相假。無寄則當法自離。故不同也。相及俗諦皆有爲。性及真諦皆無爲。又非二名言所能至者。言語道斷故。表

義名言不能至也。心行處滅故。顯境名言所不能至。解深密下引證俱非。一普攝門者。謂不壞前四門之相而爲一致故。故引善財隨事差別。皆入法界。二圓融門。纔舉一門。卽融諸門。然以理融事。令事如理。以事顯理。令理如事。故云理非無分。謂理卽事。事既有分。理亦有分。不爾。真理不卽事故。理既如事。隨舉一法。卽一法界。若舉多法。卽多法界。然由一非一故下。復融上一異。一若定一。不能卽諸以一卽理。故卽非一。以非一故。能卽諸也。以非一故。與諸不異。下句翻此。準事顯理。卽互相卽。則



涉入重重。方成無障礙義。引善財證。暫時執手。明時圓融。纔入樓閣。明處圓融。上來五門下。總結圓融。總卽法界。別有五種。同卽十門。皆同法界。異則有爲與無爲等。相望有差。成則五義共成。法界。壞則有爲自住。有爲餘四亦爾。如其次第。各是一門者。一有爲法界。本有種子差別之法。但在明信。二無爲之理。性淨妙絕。皆須明解。三亦有爲亦無爲法界。事理有異。必須雙行。四非有爲非無爲法界。雙遣玄寂。唯證方契。五無障礙。非滿不窮。顯義多門。爲此別配。取義圓備。互徧方周。若無信心。安能

見理。况無障礙。無信安窮。

疏第二法界類別。亦有五門。謂一。所入。二。能入。三。無二。四。俱泯。五。存亡無礙。初所入中。亦有五重。一。法法界。二。入法界。三。俱融。四。俱泯。五。無障礙。初中有十。一。事法界。謂十重居宅等。二。理法界。謂一味湛然等。三。境法界。謂所知分齊等。四。行法界。謂悲智廣深等。五。體法界。謂寂滅無生等。六。用法界。謂勝通自在等。七。順法界。謂六度正行等。八。違法界。謂五熱無厭等。九。教法界。謂所聞言說等。十。義法界。謂所詮旨趣等。此十法界。同一緣起。無礙鎔融。



撰述  
華嚴疏鈔卷一  
十一  
一具一切。二人法界亦有十門。謂人天男女在家  
出家外道諸神菩薩及佛。此並緣起相分。參而不  
雜。善財見已便入法界。故名入法界。三人法俱融  
法界者。謂前十人十法同一。緣起隨義相分。融攝  
無二。四人法俱泯法界者。謂平等果海離於言數  
緣起性相。俱不可說。五無障礙法界者。謂合前四  
句於彼人法。一異無障存亡不礙自在圓融。如理  
思之。二明能入亦有五重。一身。二智。三俱。四泯。五  
圓。謂入樓觀而還合。身證也。鑒無邊之理事。智證  
也。同普賢而普徧。俱證也。身智相即而兩亡。俱泯

也。一異存亡而無礙自在圓融也。餘可準知。三能  
所渾融無二。際限不分。就義開殊。理仍不雜。此五  
能所。如次及通。可以意得。四能所圓融。形奪俱泯。  
五一異存亡無礙具足。如理思之。上來約類辨竟。  
鈔第一法界類別者。上來雖有五界。通該諸法。  
今於總法開從別類。然類開五門。五門各五。初二  
文顯。後三文隱。五無礙法界。亦有五義。一前四融  
爲一味。二四相歷然。故云一異無障礙。三一異雙  
存。四一異互奪。雙泯絕。故云存亡不礙。五自在圓  
融。謂欲一則一。欲異則異。欲存則存。欲泯便泯。異

不礙一泯不礙存。方爲自在常一常異常存常泯。名爲圓融。此五能等者。通則隨一能入。徧入五所。隨一所入。皆用五能。斯爲正意。言如次者。一身入法法界。二智入人法界。三身智俱存。入無二法界。四身智俱泯。入人法俱泯法界。五人法圓融。入無障礙法界。此爲第三能所渾融。無二中之五句也。四能所圓融形奪俱泯者。此亦有五。一以所奪能。唯法界。二以能奪所。唯能入。三能所俱存。四能所俱泯。五此四圓融。無有前後。五。一異存亡無礙具足者。亦有五句。一能所一味。二能所歷然。三二異

雙存。四一異雙泯。五上之四句無礙具足。故令如理思之。

疏第三約位明入法界者。準下文中所入法界大位有二。卽因與果。於前人法。無不皆是佛果所收。卽如來師子頻申三昧所現法界自在是也。又於前人法。無不皆屬因位所攝。卽文殊普賢所現法界法門是也。因中曲有信等五位法界不同。二明能入準文亦二。對前果位明諸菩薩頓入法界。對前因位。寄顯善財漸入法界。二因果既其無礙。漸頓亦乃圓融。但以布教成詮。寄斯位別耳。鈔第



三約位明入法界者標也。於中有三。初約所入有因有果。二明能入唯漸與頓。三約時文殊師利從善住樓閣出下明未會。亦前明果法界。後明因法界。又前頓入法界。後明漸入法界。又前總後別。總別圓融。本末無礙。又前卽亡修頓證。是正宗之極。後是寄人修入。以辨流通。通正圓融。中後無礙。就本會中。長科十分。一序分。二請分。三三昧現相分。四遠集新聚分。五舉失顯得分。六偈頌讚德分。七普賢開發分。八毫光示益分。九文殊述

德分。十無涯大用分。今初雖義貫末會。以從處別。獨判在初。文分爲三。初智正覺世間圓滿。二在室羅下。器世間圓滿。三與菩薩下。衆生世間圓滿。鈔次正釋文。然科二會。總有四義。總別圓融下。融上四義。一總別圓融。融第四總別。本末無礙。融第一本末二會。畧無第二。因果相卽。第三漸頓該羅。至下未會之初。重會釋之。又前卽亡修下。通正圓融。兼前五對。而前四唯對本會。故一時併舉。後一通對諸會正宗。故別明之。

爾時世尊



撰述 華嚴疏鈔卷一 十一 清  
疏今初言世尊者。梵云薄伽梵。包含六義。如佛地論。一自在義。永不繫屬諸煩惱故。二熾盛義。猛焰智光所燒鍊故。三端嚴義。三十二相所莊嚴故。四名稱義。一切殊勝功德圓滿無不知故。五吉祥義。一切世間親近供養。咸稱讚故。六尊貴義。具一切功德。常起方便。利益世間安樂一切。無懈廢故。今舉後該初。亦是標人取法。具無盡德。故曰世尊。在室羅筏國。逝多林。給孤獨園。大莊嚴重閣。

疏。二器世間圓滿中有三。一國城。此云聞者。西域記云。昔有古老仙人。住於此處。後有少仙。名爲聞者。於彼稟學。老仙沒後。少仙於此建立城郭。故取其名。亦云聞物。以此城多出聰敏博達名聞人物。故卽中印度境。二逝多下明林園。逝多者。梵音華言戰勝。卽太子之名。給孤獨者。梵云須達多。正言賑濟無依義。云給孤獨也。卽長者之稱。長者仁而聰敏。積而能散。拯乏濟貧。哀孤卹老。時美其德。故立斯稱。長者側金買地。太子施樹。同成功業。二人式崇。共立伽藍之號。三明重閣。卽說法之所。表所證法界體無不周。曰大德無不備。曰嚴依體起用。爲重閣。鈔昔古老仙人等者。卽第六卷然室羅

撰述  
華嚴疏鈔卷  
十一  
筏卽舍衛國。梵音楚夏耳。多出聰明博達人物者。總相言耳。然其此城有四德。一者塵德。五塵之境。多美麗故。二財物德。七寶珍奇無不有故。三聖法德。三藏聖法無不備故。四解脫德。人人皆有解脫。分善得解脫者實繁廣故。具此四德。遠聞諸國。故人物言爲通相耳。亦表此經具此四德。一五種法界。皆佛境界故。二七聖財寶。無不備故。三因果能證。皆聖法故。四契入法界。眞解脫故。廣說如來解脫海故。言逝多梵音華言戰勝者。卽波斯匿王所生太子。太子初生。王戰得勝。故以爲名。表依善友勝。

出魔軍及凡小故。故上文云以表依人。給孤獨者。梵云須達多者。經出太子。梵語疏出長者。西音舉長者。德表具法財。能令一切證法界故。長者側金下。出雙舉二人之由。西域記智度論莊嚴論等。皆說祇桓記中其事更廣。

與菩薩摩訶薩五百人俱。  
疏第三衆生世間。卽輔翼圓滿於中。三一菩薩。二聲聞。二世主。初中亦三。一舉數。二列名。三歎德。今初此會菩薩標名乃少。列名乃多者。有所表故。數中欲顯五位同證入故。位各十度。一一相融。成五



百故第六妙覺是所入故。又表解行者多。證者稀故。

普賢菩薩。文殊師利菩薩。而為上首。

疏二普賢下列名分三。初標上首。二列別名。三總結數。今初以二大聖是助王故。又有所表故。至下當明。

其名曰光燄幢菩薩。須彌幢菩薩。寶幢菩薩。無礙幢菩薩。華幢菩薩。離垢幢菩薩。日幢菩薩。妙幢菩薩。離塵幢菩薩。普光幢菩薩。

疏二其名曰下。別列中有十四位。位各有十。其間

亦有增減。成百四十一人。名各一義。皆有深旨。今且寄表。大分為二。前四十一人。遍表在等四位。後天冠下十位百人。別表十地十度。今初十幢。表向行德高出故。

地威力菩薩。寶威力菩薩。大威力菩薩。金剛智威力菩薩。離塵垢威力菩薩。正法日威力菩薩。功德山威力菩薩。智光影威力菩薩。普吉祥威力菩薩。

疏二有九威力者。表行能進修故。

地藏菩薩。虛空藏菩薩。蓮華藏菩薩。寶藏菩薩。日藏菩薩。淨德藏菩薩。法印藏菩薩。光明藏菩薩。齋藏菩薩。



薩蓮華德藏菩薩。

疏二十藏表地。義如前釋。

善眼菩薩。淨眼菩薩。離垢眼菩薩。無礙眼菩薩。普見眼菩薩。善觀眼菩薩。青蓮華眼菩薩。金剛眼菩薩。寶眼菩薩。虛空眼菩薩。喜眼菩薩。普眼菩薩。

疏。四有十二眼者。表解能照法故。所以不次者。欲表圓融之位。無前後故。

天冠菩薩。普照法界智慧冠菩薩。道場冠菩薩。普照十方冠菩薩。一切佛藏冠菩薩。超出一切世間冠菩薩。普照冠菩薩。不可壞冠菩薩。持一切如來師子座。

冠菩薩。普照法界虛空冠菩薩。

疏後十位中。如次別表。行布十地十度。一十冠者。初地冠於諸地之首。檀冠衆行之先故。又一位中。各具十者。一地之中。具足一切諸地功德故。一度之中。具足十度。爲莊嚴故。

梵王髻菩薩。龍王髻菩薩。一切化佛光明髻菩薩。道場髻菩薩。一切願海音寶王髻菩薩。一切佛光明摩尼髻菩薩。示現一切虛空平等相。摩尼王莊嚴髻菩薩。示現一切如來神變。摩尼王幢網垂覆髻菩薩。出一切佛轉法輪音髻菩薩。說三世一切名字音髻菩薩。

薩。

疏二十髻者。持戒無垢。檢束尊高故。

大光菩薩。離垢光菩薩。寶光菩薩。離塵光菩薩。酸光菩薩。法光菩薩。寂靜光菩薩。日光菩薩。自在光菩薩。天光菩薩。

疏二十光者。發聞持光照法忍故。

福德幢菩薩。智慧幢菩薩。法幢菩薩。神通幢菩薩。光幢菩薩。華幢菩薩。摩尼幢菩薩。菩提幢菩薩。梵幢菩薩。普光幢菩薩。

疏四十又名幢者。焰慧精進。超世高出故。又道品

伏惑精進伏慢故。

梵音菩薩。海音菩薩。大地音菩薩。世王音菩薩。山相擊音菩薩。徧一切法界音菩薩。震一切法海雷音菩薩。降魔音菩薩。大悲方便雲雷音菩薩。息一切世間苦安慰音菩薩。

疏五十音者。禪定發生。難勝悅機故。

法上菩薩。勝上菩薩。智上菩薩。福德須彌上菩薩。功德珊瑚上菩薩。名稱上菩薩。普光上菩薩。大慈上菩薩。智海上菩薩。佛種上菩薩。

疏六十上者。般若現前。最尊上故。



光勝菩薩。德勝菩薩。上勝菩薩。普明勝菩薩。法勝菩薩。月勝菩薩。虛空勝菩薩。寶勝菩薩。幢勝菩薩。智勝菩薩。

疏七十勝者。遠行方便。有中殊勝行故。

娑羅自在王菩薩。法自在王菩薩。象自在王菩薩。梵自在王菩薩。山自在王菩薩。衆自在王菩薩。速疾自在王菩薩。寂靜自在王菩薩。不動自在王菩薩。勢力自在王菩薩。最勝自在王菩薩。

疏八有十一自在王者。相用不動。大願無礙故。

寂靜音菩薩。無礙音菩薩。地震音菩薩。海震音菩薩。

雲音菩薩。法光音菩薩。虛空音菩薩。說一切衆生善根音菩薩。示一切大願音菩薩。道場音菩薩。

疏九十又名音者。善慧演法。自力生故。

須彌光覺菩薩。虛空覺菩薩。離染覺菩薩。無礙覺菩薩。善覺菩薩。普照三世覺菩薩。廣大覺菩薩。普明覺菩薩。法界光明覺菩薩。

疏十有九人同名覺者。法雲受職。墮佛數故。智覺諸法。無所遺故。然其幢等。亦有通義。類釋可知。

如是等菩薩摩訶薩。五百人俱。

疏三如是下結數。

此諸菩薩皆悉成就普賢行願境界無礙普徧一切諸佛刹故現身無量親近一切諸如來故淨眼無障見一切佛神變事故至處無限一切如來成正覺所恒普詣故光明無際以智慧光普照一切實法海故說法無盡清淨辨才無邊際劫無窮蓋故等虛空界智慧所行悉清淨故無所依止隨衆生心現色身故除滅癡翳了衆生界無衆生故等虛空智以大光網照法界故

疏第三此諸下歎德有十一句初句爲總上名以隨宜別顯各以一德立名今德以據實內通故言皆悉成就普賢行願餘十句別於中前六明智用普周後四名智用離障通爲五對一境徧身多對窮依近正故二見用請實對十眼離障不往而見一念契實身心普周三內照外演對四智淨色隨對五悲深智廣對以卽智之悲故於生無翳無外之智故照同虛空前對虛空自取淨義今取廣義及與五百聲聞衆俱悉覺真諦皆證實際深入法性永出有海依佛功德離結使縛任無礙處其心寂靜猶如虛空於諸佛所永斷疑惑於佛智海深信趣入疏第二及與下辨聲聞衆文二初標數類後悉覺



下歎德。支有十句。然此聲聞皆是菩薩。欲顯深法。託爲聲聞。故所歎德。言舍本迹。疏今釋爲二門。一就迹約小。十句皆聲聞德。一得現觀於四真諦。善覺了故。二入正性離生。無方便慧。已作證故。三所學已窮。故云深入。法華云。我等同入法性。卽二獸渡河。理無二故。古人亦將上三。如次配見修無學。四生分已盡。由闕大悲。故自永出。五有爲無爲之德。依佛成故。卽逮得已利。六已盡有結。謂九結十使。現行離故。七無煩惱礙。種子亡故。八心善解脫。故寂如虛空。九慧善解脫。故

於佛無惑。十明非定性。皆可迴心。故信入佛智。鈔一得現觀者。大乘唯識有六現觀。一思。二信。三戒。四智諦。五爲智邊諦。六究竟現觀。十地已辨。小乘俱舍有三現觀。一見現觀。二緣現觀。三事現觀。今此正當見現觀也。義兼後二。二入正性離生者。已見四地。無方便慧。已見七地。若有方便。不證實際。三所學已窮者。謂於自乘所學之法。名爲深入。非謂深入甚深法性。故引法華。卽三乘同入之法性耳。三獸渡河。已見八地。古人亦將上等等者。疏意云。見修是前三果。今是羅漢。正當無學。後必具前。

理則可通故不言非。四生分已盡等者。上卽我生已盡。若具大悲留惑潤生處。有化物。今由闕悲。但自速出。如瘴透圍。五卽逮得已利者。已利卽證涅槃。有餘依者。名爲有爲。無餘依者。卽無爲耳。六已盡有結者。經云離結使縛。故以九結釋經結字。亦已見上。今畧示名。一愛結。二恚。三慢。四無明。五疑。六見。七取。八嫉。九慳。由此九種。數數現起。損惱自他。招當苦增。偏名爲結。十使謂六根本。開見成五。此等以爲生死因。故名爲有結。言現行離者。故法華論此句。卽諸漏已盡。論爲現行。要得煩惱。是種子故。八心善解脫等者。二種解脫。亦見上文。今畧解云。離定障。故名心解脫。離性障。故名慧解脫。又離無明貪憂等體。名慧解脫。彼相應心得離縛。故名心解脫。由證此二。獲得第五有爲無爲二種功德。十明非定性者。定性二乘。非此宗。故信入佛智者。法華第二云。汝舍利弗。信佛語。故隨順此經。非已智分。此經卽佛慧故。

疏二約本門。就菩薩歎故。如來不思議境界經云。復有無量百千億菩薩。現聲聞形。亦來會座。其名曰舍利弗。大目捷連等。廣如彼說。明皆是權。故下



身子令海覺等觀文殊德十中一覺第一義。二方便已具。善能入於無際際故。三三空真理窮其源故。四具足大悲能入不染。方永出故。五依十力等離小見故。六不斷不俱。方能離故。七已淨所知無二礙故。八處亂恒寂。了本空故。九佛不共德。雖未證得。亦無疑故。十一切種智證信入故。鈔如來不思議境界經者。此是第一列衆之中。經云。時有他方諸佛爲欲莊嚴毘盧遮那道場衆故。示菩薩形來入會。坐復有無量百千億菩薩下。與疏全同。引此明實彰前定迹。善入無際際者。深入無際故。

然皆反上聲聞之德類例可知。九佛不共德等者。發心品云。菩薩於佛十力中。雖未證得。亦無疑故。十一。一切種智證信入者。證信即初地已上。揀異聲聞未得此信十地皆依佛智海故。

及與無量諸世主俱。悉曾供養無量諸佛。常能利益一切衆生。爲不請友。恒勤守護。誓願不捨入於世間。殊勝智門。從佛教生。護佛正法。起於大願。不斷佛種。生如來家。求一切智。

疏第三及與無量下。諸世主衆。亦先標數類。後悉曾下。歎德。十中初一歎福。次四歎悲。於中初句總。

撰述  
華嚴疏鈔卷一  
三  
餘三句別。一。無緣普應。二。護念初心。三。誓不捨惡。次三句歎智德。一。智入權門。二。行護理教。正法兼理。護兼行故。上七皆行。八卽是願。願行其故。第九入位。上九自分。十卽勝進。上序分竟。

時諸菩薩大德聲聞。世間諸王。并其眷屬。咸作是念。疏大文第二時諸菩薩下請分。眾集本爲聞經故。文分爲二。初標眾念請。二。如來境下。顯所請法。今初聲聞下如龔等。此能念者。釋有二義。一。約本迹。就本能念。就迹不知。二。唯就迹說。意法師云。理處不隔。故得同疑。未積大心。故不廁其次。此亦有理。

猶葉公好龍。真龍難視。同居法會。同仰法門。所現超倫。故如龔等。鈔其猶葉公好龍者。事出莊子。葉公姓沈。名諸梁。故春秋注云。葉公子高。沈諸梁。食菜於葉。僭以稱公。亦有云。與楚同姓。楚姓芊。卽子張見衛君。君不全待。子張云。公之好士。猶葉公之好龍。葉公好龍。井廁之間。皆畫其像。真龍知其好。乃現其庭。葉公絕倒。不敢視。葉公之好。好於似龍。非好真龍。今君好士。但好似士。非好真士也。今聲聞之請法。若彼好龍。不覩希奇。若不識真物也。如來境界。如來智行。如來加持。如來力。如來無畏。如



來三昧。如來所住。如來自在。如來身。如來智。

疏二所念中有六十句。初後三十句。是所請法。中三十句。但是請儀。其請法多同。初會四十句法。以初會爲總。此說將終。會同本故。就文分二。前三十句。念德難思。後唯願下三十句。請隨機演。以初十句。明自體圓著。寄顯果海絕言。最後十句。明化用。普周。令寄言顯果。由斯文有影畧。理實兼皆請示。如初會辨。鈔以初十句。明自體圓著下。出所問法。爲兩段所由。以前三十句內。唯十句。是所請法。謂佛境等。是佛自體圓滿著明。故同果海。最後十句。化用普周者。然後三十句。請隨機演。有二十句。是所請法。以前十是請說在因。故偏舉後十化用。正合開故。

疏今初念德中。初十句。正明所念果法。次十明玄妙難思。後十明緣會可了。今初十中。前八攝初會。最初十句。卽內行成滿德。以如來自在。攝彼神通。及無能攝取故。一境界者。卽所緣分齊故。如出現等品辨。二智行者。悲智無礙。無功用行。亦如出現品辨。三加持者。謂勝力任持。令有所作。如不思議法品辨。四謂十力等。五卽四種十種無畏等。六

卽師子奮迅等。七所住者。卽初會佛地。佛所住地。故若別釋者。卽常在大悲等。如不思議品。八謂十自在等。及攝二句。如向所辨廣引諸文釋義。並如初會。後二句卽攝初會。次十句。體相顯著德。前有六根三業。今身合六根。及於二業。智卽意業。心意俱不可知。但以智知故。所以合者。欲顯身兼十身。故合六根。三業智導。故但云智。

一切世間諸天及人。無能通達。無能趣入。無能信解。無能了知。無能忍受。無能觀察。無能揀擇。無能開示。無能宣明。無有能令衆生解了。

疏二一切下十句。明玄妙難思。人天莫測。於中初二句總明解行不及。謂智慧不能通暢。心行不能詣證。次五句明三慧莫測。故不能成自利。謂初二句聞慧莫測。一妙故不能印持於境。二深故不能曉了於心。三廣故不能忍可包納。次句玄故。修慧不能觀察。委照後句融故。思慧不能揀其優劣。故晉本揀擇各思惟。在觀察上。後三句四辨莫宣。故不能成利他。謂法義不能大開曲示。詞辨不能宣明。樂說不能令他解了。鈔故晉本揀擇下。釋上修在思前。晉經聞思修不失次也。



巽述  
唯除諸佛加被之力。佛神通力。佛威德力。佛本願力。及其宿世善根之力。諸善知識攝受之力。深淨信力。大明解力。趣向菩提清淨心力。求一切智廣大願力。疏三唯除下十句。緣會可了中。前四佛力上加爲緣。後六自根堪受爲因。具此可知。前中初三現緣。後一宿願。後六中初二宿善。餘五現德。於上十句。分有分知。全有全知。又此十句。通有二意。一成上顯深。二起後請說。鈔又此十句。通有二意等者。謂既唯諸佛加等。方知明是顯深。佛加既知。故請佛加而演說也。非器難解。有器可聞也。

唯願世尊。隨順我等。及諸衆生。種種欲。種種解。種種智。種種語。種種自在。種種住地。種種根。清淨。種種意。方便。種種心境界。種種依止。如來功德。種種聽受。諸所說法。

疏第二請隨機演中。二。初十一句。請隨機宜。後顯示下二十句。請所說法。今初前云緣會可知。今請以緣隨器。於中初三約內心器。殊次一約外類音異。上四通於凡聖。後七多約菩薩。一財等有殊。二地位優劣。三依根除障。四作業差異。五緣境不同。六曾依何德而修。七曾聽何法爲種。又六宜依何

德以化。七宜何廣畧而說。種種不同。皆請隨順。

鈔一財等有殊者。卽十自在。一財。二命。三心。四業。五生。六解。七願。八通。九智。十法。廣如八地。離世間品。

顯示如來。往昔趣求一切智心。往昔所起菩薩大願。往昔所淨諸波羅蜜。往昔所入菩薩諸地。往昔圓滿諸菩薩行。往昔成就方便。往昔修行諸道。往昔所得出離法。往昔所作神通事。往昔所有本事。因緣。

疏第二請所說法中。二先列所請。後如是等下結請。今初分二。前十句請說。在因。後十一句請。今果用。今初此十句中。七與初會。名義全同。諸道卽彼助道海。此中方便。卽前智海。卽名異義同。彼有乘海。無此本事。則名義俱異。以彼通請一切菩薩。故顯乘不同。今約本師爲問。故加本事。則乘遍諸句。爲成十故畧之。或本事卽是乘海。昔所乘故。餘如初會。鈔七與初會名義全同者。則有二事。名異義同有一事。此彼互無。故有三類。第三類中。乃有二意。後意亦是名異義同。

及成等正覺轉妙法輪。淨佛國土。調伏衆生。開一切智法城。示一切衆生道。入一切衆生所住。受一切衆



生所施爲一切衆生說布施功德爲一切衆生現諸佛影像。

疏後及成下十句請果用中。此十望初會第三十句義卽多同。而文多異。欲顯果用無邊。故影畧其文。一因圓果成卽佛海。二成必演法卽演說海。三法詮淨國卽世界海。四皆爲調生卽名號海。五雙開菩提涅槃之果。城卽涅槃。防非止惡故。卽解脫海。六示生行業爲至果之因。卽衆生海。七徧入機處隨機立壽。卽壽量海。八爲衆生田。令得常命。卽波羅蜜海。檀爲最初故。九說諸度爲安立世界海。

之法式故十。三輪變化猶水月鏡像卽變化海。

鈔一因圓果成卽佛海下總明。此下別釋。每一句內皆二意。一當句解釋。如云因成卽經云。往昔趣求一切智心。一切智卽果。趣求之心卽因。二云卽佛海者。會同初會十海。下諸句皆然。而當句釋。皆躡前起。如云成必演法成必二字。躡果成而起。餘可思準。

如是等法願皆爲說。

疏二結請可知。

○疏大文第三爾時世尊下。三昧現相分。酬前念請。

示相答故。於中二。先明三昧爲能現。二入此三昧。下明所現淨土。今初無方大用。依體起故。故先入定。卽以此義。先明入定。後集衆海。前來諸會。爲明從相入實。前集後定。與此不同。佛自入者。表證法界。唯佛窮故。不言答者。表證離言故。又今日擊而自證故。

爾時世尊知諸菩薩心之所念。大悲爲身。大悲爲門。大悲爲首。以大悲法而爲方便。充徧虛空。

疏文分爲三。初入定緣。領前念故。二大悲下。明入定因。三入師子下。正明入定。就入因中。有四種悲。

以爲入定益物之本。各有二義。一身二義者。一入定所依之身。悲所熏故。二身者體義。依義欲入深定。全依大悲而爲體故。二門二義者。一佛有大智大定大悲等門。今欲益生。唯依悲門。令物入故。二者定爲所入。悲爲能入故。三首二義者。一者初義。凡所益物。皆以大悲爲先導故。二者勝上義。謂非不用智定之門。此增勝故。四方便二義者。一悲智相導。互爲方便。今以悲爲入定益物之方便故。二者以是卽智定之悲。不滯慶見。故名方便。方能令物普入法界。又此四悲。亦是從佛向機之漸次。



矣。此上四悲皆徧虛空。亦有二義。一廣周故。二無緣故。鈔就入因中等者。因悲卽因。又此四悲亦是從佛向機之漸次。依悲之體入悲之門。以悲向。前爲化生之方便也。

入師子頻申三昧。

疏第三正明入定者。以定業用從喻爲名。言頻申者。有人云梵音訛畧。具正應云毘實廩多。此翻爲自在無畏。如師子王羣獸之中。自在無畏故。然舊經翻爲師子奮迅。且頻毘二言。小有相濫。奮迅之語殊不似於毘實廩多。涅槃二十五中旣云頻申

欠咄。明知頻申奮迅。俱是此言。下婆須密女亦云。見我頻申。但敵對而翻。爲自在無畏。從義而譯。以爲頻申。曾何訛畧。鈔言頻申者。先敘昔也。卽刑定意。然舊經下辨順違於中三。初明漢梵非類。如云修多羅修妬路。素怛覽雖聲不同。聲勢一類。其奮迅毘實。言勢天隔故。涅槃二十五下二引二文。證明是此言。但敵對下三縱成。引梵爲自在義。疏故依古德。用此方言釋之。頻申奮迅。俱是展舒四體通暢之狀。總相釋者。卽用之體寂而造極。則差別萬殊。無非法界。卽體之用。不爲而周。故小

撰述  
大相參緣起無盡名曰頰中自在之義若別解者  
涅槃師子吼品明師子王自知身力牙齒鋒鋸乃  
至晨朝出穴而吼爲十一事故廣有喻合又離世  
間品顯菩薩師子王白淨法爲身等合首足等與  
涅槃復異此文以大悲爲身故知但取義似未必  
指定鈔故依已下初畧釋中初二句結前生後  
次頻申奮迅下就喻辨相後總相釋下就法辨相  
若別解下初引涅槃前引三文欲釋師子今涅槃  
師子吼品卽南經二十五經若準此經當二十七  
言廣有喻合者今當具出此是師子吼菩薩請問

如來如來對衆稱讚令敬菩薩卽說其得名之由  
故云今於我前欲師子吼善男子如師子王自知  
身力牙齒鋒鋸四足據地安在巖穴振尾出聲若  
有能具如是諸相當知是則能師子吼釋曰此下  
卽說爲十一事經一時合今先別合師子經云善  
男子如來正覺智慧牙爪四如意足六波羅蜜滿  
足之身十力雄猛大悲爲尾安住四禪清淨窟宅  
釋曰此卽具有喻合合師子也又離世下二引當  
經言爲身等者等取下經下經云四諦爲其足正  
念以爲頸慈眼智慧首頂髻解脫繒勝義空谷中



吼法怖羣魔。言未必指定者。生下喻合。不全依於  
上二經文。又如寶雲經第三亦云。善男子。復有十  
法。譬如師子。何等爲十。謂無所畏。不畏大衆。去終  
不還。能師子吼。具足辨才。樂處林野。在於山窟。摧  
伏大衆。具勇猛力。菩薩善能守護。彼廣釋之。故此  
師子。與上二經。又復不同。明知不必指定。喻合但  
取義便耳。

疏今會取諸文。先以十義合彼師子。後依涅槃爲  
十一事。今初謂以同體大悲爲身。以增上大悲  
爲首。以卽智大慈爲眼。純以智慧爲牙爪。大悲方  
便爲振尾。悲爲方便。居其末故。方便振動義故。總  
取四悲爲足。依此立故。以法界三昧爲窟。所入證  
故。以無緣大悲爲窟門。入出由此故。以體用無礙  
爲頻申。舒展自在故。以演法界法門爲哮吼。決定  
宣說一切衆生本與如來同法界故。如此師子。隨  
一一毛皆稱法界。鈔今會取諸文。下第二開章  
正釋。先標二章。今初謂下二別釋。但取此中義便。  
故總取諸意。會成一說。結云。如此師子。隨一一毛  
皆稱法界者。卽金師子章意。如金師子。毛毛盡金。  
法界師子。何非法界。

撰述  
善嚴疏金卷一  
疏次言爲十一事而頻申者。一摧破魔軍詐師子故。二示衆神力。十力等力爲十力故。三淨法界土。佛在處故。四爲邪見凡夫知歸處故。五安撫生死怖羣黨故。六覺悟無明眠衆生故。七爲行惡法獸捨放逸故。八令諸菩薩及邪見諸獸來歸附故。九調諸外道。及二乘香象。令如聾盲。捨憍慢故。十教諸菩薩子息。令頓證故。十一莊嚴正見。四部眷屬俱增威勢。不怖一切邪黨。一切邪黨皆怖畏故。又野干隨逐師子百年。不能作師子吼。二乘安處法會。如聾如盲。五十七中十奮迅義。亦應此說。鈔

次言爲十一事下。釋第二章於中又二。先合十一事。而又此中法喻雙辨。仍取涅槃之意。以就今經。今先具引涅槃之文。未見彼文。難曉會故。彼經喻云。真師子王。晨朝出穴。頻申欠喏。四向顧望。發聲振吼。爲十一事。何等十一。一爲欲壞實非師子。詐師子故。二爲欲試自身力故。三爲欲令住處淨故。四爲諸師子知處所故。五爲羣輩無怖心故。六爲眠者得覺寤故。七爲一切放逸諸獸不放逸故。八爲諸獸來依附故。九爲欲調大香象故。十爲教告諸子息故。十一爲欲莊嚴自眷屬故。一切禽獸聞



師子吼水性之屬。潛沒深泉。陸行之類。戲伏窟穴。飛者墮落。諸大香象。怖走失糞。諸善男子。如彼野干。雖逐師子。至於百年。終不能作師子吼。若師子子。始滿三年。則能哮吼。如師子王。釋曰。此下經合喻。先合師子。已如上引。次合十一事云。一爲諸衆生。而師子吼。摧破魔軍。二示衆十力。三開佛行處。四爲諸邪見。作歸依處。五安撫生死怖畏之衆。六覺悟無明睡眠衆生。七行惡法者。爲作悔心。八開示邪見一切衆生。令知六師非師子故。九破富蘭那等。憍慢心故。十爲令二乘生悔心故。爲教五住

諸菩薩等。生大力心故。十一爲令正見四部之衆。於彼邪見四部徒衆。不生怖畏故。從聖行梵行。天行窟宅。頻申而出。爲欲令諸衆生等。破憍慢故。欠怯。爲令諸衆生等。生善法故。四向顧望。爲令衆生得四無礙故。四足據地。爲令衆生具足安住尸波羅蜜故。師子吼者。各決定說一切衆生。悉有佛性。如來常住。無有變易。善男子。聲聞緣覺。雖復隨逐。如來世尊。無量百千阿僧祇劫。而亦不能作師子吼。十住菩薩。若能修行。是三行處。當知是則能師子吼。釋曰。上兩節引經。喻合一段義盡。既知彼意。

今當正合。以彼經文對觀今疏。則王客自分。如初摧破詐師子吼故。卽是喻文。若云摧破魔軍。卽是合文。此全同彼。故無別義。二示衆等者。如云示身力故。卽是彼喻。若云示衆生十力。卽是彼合。其神力及等力。卽是今經。是彼之例。非同彼文。此中正明如來入法界定。現神力故。故加神力。而言等力者。十力但明種智力。今等力者。謂法界力。若三昧力。若功德力。但有力義。卽示身力耳。下出所因中。卽是力相。三中彼經。但以開佛行處。合令住處淨。此經則以淨法界土。法合小異。餘七同異。可以意

得。又野干下。第二合隨逐師子可知。文畧不合。類申欠吐等。五十七中。十奮迅等者。經云。佛子。菩薩摩訶薩。有十種奮迅。何等爲十。所謂牛王奮迅。映蔽一切天龍夜叉乾闥婆等諸大衆故。象王奮迅。映心善調柔荷負一切諸衆生故。龍王奮迅。興大法密雲。曜解脫電光。震如實義雷。降諸根力。覺分禪定。解脫三昧甘露雨故。大金翅鳥王奮迅。竭貪虜水。破愚癡翳。搏撮煩惱諸惡毒龍。令出生死大苦海故。大師子王奮迅。安住平等大智。以爲器仗。摧伏衆魔及外道故。此五有喻。下但約法。六勇健奮



迅。七大智。八陀羅尼。九辨才。十如來奮迅。一切智  
慧悉成滿等。廣如彼說。

入此三昧已。一切世間。普皆嚴淨。

疏第二所現淨土者。總相卽前十一事中淨所任  
處。別相而論。具前多義。然此現相云何。酬前諸問。  
令其目擊可現證故。云何目擊。此淨土分。具答三  
十句問。且從相顯。此中答初果體十問。所現境界。  
答境界問。四種大悲爲衆生現。卽答智行問。令衆  
證見卽答加持問。知是如來威力。答佛力問。三昧  
之用。答無畏問。正入三昧。答三昧問。淨法界土。答

住處問。令大小融攝。答自在問。見如來身徧於法  
界。答佛身問。則見如來大悲方便。答智慧問。餘二  
十句集衆中。答衆集。亦是三昧力故。是知能現所  
現種種境界。無非教體。又二聖開顯中。廣明無盡  
之用。亦顯答相。至文當知。就文分三。初結前標後。  
二于時下。嚴此園林。三如於此下。結通法界。

于時此大莊嚴樓閣。忽然廣博。無有邊際。

疏二中有二。先正顯嚴。卽器世間嚴。後何以故下。  
出嚴所因。顯智正覺世間嚴。今初有三。一嚴重閣。  
二嚴園林。三嚴虛空。從畧之廣說。有此三表三緣。

起謂嚴閣顯自體緣起。嚴林表有爲緣起。嚴空表無爲緣起。鈔謂嚴閣顯自體緣起者。法界體上緣起萬德。依此自體有爲無爲中故。二緣起卽光統意。

疏今初分二。先明廣處。謂破情顯法。卽事會真故。自內而觀。廣博無際。然不壞事故。自外而觀。閣外有園。園外有空。莊嚴各異。斯卽事理交徹。十方三際。無不圓融。林空惻然。鈔謂破情顯法者。約心卽事會真約境。

金剛爲地。寶王覆上。無量寶華。及諸摩尼。普散其中。處。及盈滿。琉璃爲柱。衆寶合成。大光摩尼之所莊嚴。閻浮檀金。如意寶王。周置其上。以爲嚴飾。危樓迴帶。閣道傍出。棟宇相承。牕闥交映。階墀軒檻。種種尙足。一切皆以妙寶莊嚴。其實悉作人天形象。堅固妙好。世中第一。摩尼寶網。彌覆其上。於諸門側。悉建幢旛。咸放光明。普周法界。道場之外。階墀欄楯。其數無量。不可稱說。靡不咸以摩尼所成。

疏二金剛爲地下。正顯莊嚴表緣起萬德。無不備。故其間表法。以意消息。

爾時復以佛神力故。其逝多林忽然廣博。與不可說



佛刹微塵數諸佛國土其量正等。一切妙寶間錯莊嚴。不可說寶徧布其地。阿僧祇寶以爲垣墻。寶多羅樹莊嚴道側。其間復有無量香河。香水盈滿。湍激洄洑。一切寶華。隨流右轉。自然演出佛法音聲。不思議寶芬陀利華。齒萼芬敷。彌布水上。衆寶華樹。列植其岸。種種臺榭。不可思議。皆於岸上次第行列。摩尼寶網之所彌覆。阿僧祇寶放大光明。阿僧祇寶莊嚴其地。燒衆妙香。香氣氤氳。復建無量種種寶幢。所謂寶香幢。寶衣幢。寶旛幢。寶繒幢。寶華幢。寶瓔珞幢。寶鬘幢。寶鈴幢。摩尼寶蓋幢。大摩尼寶幢。光明徧照。摩尼寶幢。出一切如來名號音聲。摩尼王幢。師子摩尼王幢。說一切如來本事。海摩尼王幢。現一切法界影像。摩尼王幢。周徧十方。行列莊嚴。

疏第二。爾時復以下。明園林嚴。

時逝多林上。虛空之中。有不思議天宮殿雲。無數香樹雲。不可說須彌山雲。不可說伎樂雲。出美妙音。歌讚如來。不可說寶蓮華雲。不可說寶座雲。敷以天衣。菩薩坐上。歎佛功德。不可說諸天王形像。摩尼寶雲。不可說白真珠雲。不可說赤珠樓閣莊嚴具雲。不可說雨金剛堅固珠雲。皆在虛空。周徧徧滿。以爲嚴飾。

疏第三時逝多林上虛空之中下。明虛空嚴並顯可知。

何以故如來善根。不思議故。如來白法。不思議故。如來威力。不思議故。如來能以一身自在變化。徧一切世界。不思議故。如來能以神力。令一切佛及佛國莊嚴。皆入其身。不思議故。如來能於一微塵內。普現一切法界影像。不思議故。如來能於一毛孔中。示現過去一切諸佛。不思議故。如來能於一一光明。悉能徧照一切世界。不思議故。如來能於一毛孔中。出一切佛刹微塵數變化雲。充滿一切諸佛國土。不思議故。如來能於一毛孔中。普現一切十方世界。成住壞劫。不思議故。

疏第二出因中。先徵後釋。釋卽智正覺嚴。是前爲衆示其身力。佛力上加。文有十句。一慈善根力。二無漏智力。以上二力而加衆故。三福威德力。餘皆自在神通力。於中一展。二卷。三橫包。四豎攝。五一切卽一。六二卽一切。七成壞相卽餘義準思。

如於此逝多林。給孤獨園。見佛國土清淨莊嚴。十方一切盡法界虛空界一切世界。亦如是見。所謂見如來身住逝多林。菩薩衆會。皆悉徧滿。見普雨一切莊



撰述  
華嚴疏鈔卷一  
嚴雲見普雨一切寶光明照曜雲見普雨一切摩尼  
寶雲見普雨一切莊嚴蓋彌覆佛刹雲見普雨一切  
天身雲見普雨一切華樹雲見普雨一切衣樹雲見  
普雨一切寶鬘瓔珞相續不絕周徧一切大地雲見  
普雨一切莊嚴具雲見普雨一切如衆生形種種香  
雲見普雨一切微妙寶華網相續不斷雲見普雨一  
切諸天女持寶幢幡於虛空中周旋來去雲見普雨  
一切衆寶蓮華於華葉間自然而出種種樂音雲見  
普雨一切師子座寶網瓔珞而爲莊嚴雲

疏第三結通法界中二先結前標後二所謂下止

顯嚴相言見如來身住逝多林者在彼彼十方界  
中之林此明一會徧一切處如光明覺品非是彼  
界遙見此佛住於園林下諸嚴事皆爾現相分竟  
爾時東方過不可說佛刹微塵數世界海外

疏大文第四爾時東方下明集新衆分卽遠集同  
證亦三昧中令諸菩薩皆來歸附文中三初別集  
十方二通讚德行三總結集因今初十方卽爲十  
段段各有十今初東方一來處遠近然皆遠集  
者表證入甚深故唯初會及此皆遠集者初爲所  
信此爲證入證入於初一合相故中間隨位深淺

不同。義似金剛矣。

有世界名金燈雲幢。

疏二有世界下。明世界名別。可以義思。

佛號毘盧遮那勝德王。

疏三本事佛號勝德王者。福德有於光明徧照所

以爲勝。二嚴無礙自在稱王。

彼佛衆中。有菩薩名毘盧遮那願光明。

疏四王菩薩名願光明者。於徧照光中。主此願光

故。上皆帶此佛號者。顯是此佛勝德願力故。

與不可說佛刹微塵數菩薩俱來向佛所。

疏五眷屬俱來者。對上成王伴故。

悉以神力。興種種雲。所謂天華雲。天香雲。天末香雲。

天鬘雲。天寶雲。天莊嚴具雲。天寶蓋雲。天微妙衣雲。

天寶幢幡雲。天一切妙寶諸莊嚴雲。充滿虛空。

疏六廣興雲供。表因嚴果故。皆云天者。自然成故。

至佛所已。頂禮佛足。

疏七詣佛作禮。表因趣果故。

卽於東方化作寶莊嚴樓閣。及普照十方寶蓮華嚴

師子之座。

疏八化座本方。本方者表參而不雜。故座表法空。



閣表空有重顯。

如意寶網羅覆其身。

疏九冠網嚴身。以顯勝德。嚴法身故。有髻珠者。表

一乘圓旨。居心頂故。

與其眷屬結跏趺坐。

疏十眷屬同坐。表王伴同證故。餘方十段。做此可知。其間刹佛菩薩之名。本意難定。但可說者。隨宜初二及六無珠冠者。蓋文畧耳。又此等供具。非唯表法。並是以人同法。依正因果。無礙法界。自在之德耳。

南方過不可說佛刹微塵數世界海外。有世界名金剛藏。佛號普光明無勝藏王。彼佛衆中。有菩薩名不可壞精進王。與不可說佛刹微塵數菩薩俱。來向佛所。持一切寶香網。持一切寶瓔珞。持一切寶華帶。持一切寶鬘帶。持一切金剛瓔珞。持一切摩尼寶網。持一切寶衣帶。持一切寶瓔珞。帶。持一切最勝光明摩尼帶。持一切師子摩尼寶瓔珞。悉以神力。充徧一切諸世界海。到佛所已。頂禮佛足。卽於南方化作徧照世間摩尼寶莊嚴樓閣。及普照十方寶蓮華藏師子之座。以一切寶華網羅覆其身。與其眷屬結跏趺坐。

撰述  
垂屬疏鈔卷一  
疏二南方中供具皆云持者表修持故

西方過不可說佛刹微塵數世界海外有世界名摩尼寶燈須彌山幢佛號法界智燈彼佛衆中有菩薩名普勝無上威德王與世界海微塵數菩薩俱來向佛所悉以神力興不可說佛刹微塵數種種塗香燒香須彌山雲不可說佛刹微塵數種種色香水須彌山雲不可說佛刹微塵數一切大地微塵等光明摩尼寶王須彌山雲不可說佛刹微塵數種種光燄輪莊嚴幢須彌山雲不可說佛刹微塵數種種色金剛藏摩尼王莊嚴須彌山雲不可說佛刹微塵數普照

一切世界閻浮檀摩尼寶幢須彌山雲不可說佛刹微塵數現一切法界摩尼寶須彌山雲不可說佛刹微塵數現一切諸佛相好摩尼寶王須彌山雲不可說佛刹微塵數現一切如來本事因緣說諸菩薩所行之行摩尼寶王須彌山雲不可說佛刹微塵數現一切佛坐菩提場摩尼寶王須彌山雲充滿法界至佛所已頂禮佛足卽於西方化作一切香王樓閣真珠寶網彌覆其上及化作帝釋影幢寶蓮華藏師子之座以妙色摩尼網羅覆其身心王寶冠以嚴其首與其眷屬結跏趺坐



疏三西方皆言須彌山雲者。四德妙高。清涼利物故。

北方過不可說佛刹微塵數世界海外。有世界名寶衣光明幢佛號照虛空法界大光明。彼佛衆中有菩薩名無礙勝藏王。與世界海微塵數菩薩俱來向佛所。悉以神力。興一切寶衣雲。所謂黃色寶光明衣雲。種種香所熏衣雲。日幢摩尼王衣雲。金色熾然摩尼衣雲。一切寶光燄衣雲。一切星辰像上妙摩尼衣雲。白玉光摩尼衣雲。光明徧照殊勝赫奕摩尼衣雲。光明徧照威勢熾盛摩尼衣雲。莊嚴海摩尼衣雲。方

虛空。至佛所已。頂禮佛足。卽於北方化作摩尼寶海莊嚴樓閣。及毘琉璃寶蓮華藏師子之座。以師子威德。摩尼王網羅覆其身。清淨寶王爲髻明珠。與其眷屬結跏趺坐。

疏四北方皆言衣者。寂忍慚愧嚴法身故。

東北方過不可說佛刹微塵數世界海外。有世界名一切歡喜清淨光明網佛號無礙眼。彼佛衆中有菩薩名化現法界願月王。與世界海微塵數菩薩俱來向佛所。悉以神力。興寶樓閣雲。香樓閣雲。燒香樓閣雲。華樓閣雲。栴檀樓閣雲。金剛樓閣雲。摩尼樓閣雲。

金樓閣雲。衣樓閣雲。蓮華樓閣雲。彌覆十方一切世界。至佛所已頂禮佛足。卽於東北方。化作一切法界門大摩尼樓閣。及無等香王蓮華藏師子之座。摩尼華網羅覆其身。著妙寶藏摩尼王冠。與其眷屬結跏趺坐。

疏五東北方云樓閣者。悲智二利。相因顯故。

東南方過不可說佛刹微塵數世界海外。有世界名香雲莊嚴幢。佛號龍自在王。彼佛衆中有菩薩名法慧光燄王。與世界海微塵數菩薩俱來向佛所。悉以神力。與金色圓滿光明雲。無量寶色圓滿光明雲。如

來毫相圓滿光明雲。種種寶色圓滿光明雲。蓮華藏圓滿光明雲。衆寶樹枝圓滿光明雲。如來頂髻圓滿光明雲。閻浮檀金色圓滿光明雲。日色圓滿光明雲。星月色圓滿光明雲。悉徧虛空。到佛所已頂禮佛足。卽於東南方化作毘盧遮那最上寶光明樓閣。金剛摩尼蓮華藏師子之座。衆寶光燄摩尼王網羅覆其身。與其眷屬結跏趺坐。

疏六東南方云圓滿光者。權實二智。無闕行故。

西南方過不可說佛刹微塵數世界海外。有世界名日光摩尼藏。佛號普照諸法智月王。彼佛衆中有菩



薩名摧破一切魔軍智幢王。與世界海微塵數菩薩  
俱來向佛所。於一切毛孔中。出等虛空界華燄雲。香  
燄雲。寶燄雲。金剛燄雲。燒香燄雲。電光燄雲。毘盧遮  
那摩尼寶燄雲。一切金光燄雲。勝藏摩尼王光燄雲。  
等三世如來海光燄雲。一一皆從毛孔中出。徧虛空  
界。到佛所已。頂禮佛足。卽於西南方化作普現十方  
法界光明網大摩尼寶樓閣。及香燈燄寶蓮華藏師  
子之座。以離垢藏摩尼網羅覆其身。著出一切衆生  
發起音摩尼王嚴飾冠。與其眷屬。結跏趺坐。

疏七西南方云燄者。以淨智慧。燒惑薪故。亦表皆

想所持。不可取故。上之七方。與供表法。通答菩薩  
神通下之三段。兼亦別答前來問中後二十句。

鈔下之三段。兼亦別答前來問中後二十句者。上  
來七方唯通答二十句中前十中一句。此下三方。  
通答二十句中三句。而上下三方。兼別答耳。

西北方過不可說佛刹微塵數世界海外。有世界名  
毘盧遮那願摩尼王藏。佛號普光明最勝須彌王。彼  
佛衆中。有菩薩名願智光明幢。與世界海微塵數菩  
薩俱來向佛所。於念念中。一切相好。一切毛孔。一切  
身分。皆出三世一切如來形像雲。一切菩薩形像雲。

一切如來衆會形像雲。一切如來變化身形像雲。一切如來本生身形像雲。一切聲聞辟支佛形像雲。一切如來菩提場形像雲。一切如來神變形像雲。一切世間王形像雲。一切清淨國土形像雲。充滿虛空。至佛所已。頂禮佛足。卽於西北方化作普照十方摩尼寶莊嚴樓閣。及普照世間寶蓮華藏師子之座。以無能勝光明真珠網羅覆其身。著普光明摩尼寶冠。與其眷屬結跏趺坐。

疏八。西北方十句。皆答前最後爲一切衆生現諸佛影像。若約表者。爲顯緣有。似非真故。

下方過不可說佛刹微塵數世界海外。有世界名一切如來圓滿光普照。佛號虛空無礙相智幢王。彼佛衆中有菩薩各破一切障勇猛智王。與世界海微塵數菩薩俱來向佛所。於一切毛孔中。出說一切衆生語言海音聲雲。出說一切三世菩薩修行方便海音聲雲。出說一切菩薩所起願方便海音聲雲。出說一切菩薩成滿清淨波羅蜜方便海音聲雲。出說一切菩薩圓滿行徧一切刹音聲雲。出說一切菩薩成就自在用音聲雲。出說一切如來往詣道場破魔軍衆成等正覺自在用音聲雲。出說一切如來轉法輪契



經門名號海音聲雲。出說一切隨應教化調伏衆生  
法方便海音聲雲。出說一切隨時隨善根隨願力普  
令衆生證得智慧方便海音聲雲。到佛所已。頂禮佛  
足。卽於下方化作現一切如來宮殿形像衆寶莊嚴  
樓閣。及一切寶蓮華藏師子之座。著普現道場影摩  
尼寶冠。與其眷屬結跏趺坐。

疏九下方毛孔中十句。答前九問。十句皆言方便  
海。則通答往昔成就方便。鈔九下方毛孔中十  
句。答前九問者。以前十中神通一問。前七方答竟。  
據下釋中。旣五句答因五問。四句答果五問。何名

答九。以神通問重別顯。故然則前以廣答。故但云  
九。

疏初一句通顯所隨衆生言音。次五句答因中五  
問。謂二答諸行。此句應顯趣求一切智心。以第五  
明行圓滿。此爲行初故。二答所起菩薩大願。四答  
所淨諸波羅蜜。五正答圓滿諸菩薩行。六別答所  
作神通。然問就如來因中。此通一切菩薩通別之  
異耳。其助道及出離問。亦是通答。以諸句中。皆是  
助道。並卽出離故。餘四句答果用中五問。謂七答  
第一正覺問。八答轉法輪。九答調伏衆生。其國土

異述  
華嚴疏鈔卷一  
一 種現淨土分通答十答開示一切智法城及示一切眾生道以能證是道所證是智故而皆言音聲者表無言之法假言顯故鈔此句應顯趣求者以文云出說一切三世菩薩行方便海音聲雲故標云答行以五正答行故此一句義顯趣求一切智心以是行始言修行耳然問就如來因中等者通將此中對問辨異其助道下出不答餘因句之相上通答方便加此助道出離則此下方通答三因別答五因兼上方便又通答二問一本事因緣二所入諸地故具答十因其上方中波羅蜜問義便故重

信士陸鍾奇捐資七兩二錢八分八釐刻此一  
卷伏願

先大父莊簡公先考澹園公先妣屠宜人隨所受  
生出現蒙此最勝殊因在纏則超十地之階夙  
悟則圓曠劫之果生生依佛智爲怙恃念念入  
華嚴之法界

萬曆庚寅達觀大師與先大父議刻此鈔囑金沙王  
宇泰先生董其事亡何不果越三十餘年而平林  
葉居士咄嗟成辦信有時節因緣向某某言其事



鍾竒因得與刻兩卷亦世德之作求深可慶幸也  
并識

大方廣華嚴經疏鈔卷六十之一終

大方廣佛華嚴經疏鈔卷六十之二

于闐國三藏沙門實叉難陀 譯

清涼山大華嚴寺沙門澄觀撰述

上方過不可說佛刹微塵數世界海外有世界名說  
佛種性無有盡佛號普智輪光明音彼佛衆中有菩  
薩名法界差別願與世界海微塵數菩薩俱發彼道  
場來向此娑婆世界釋迦牟尼佛所於一切相好一  
切毛孔一切身分一切支節一切莊嚴具一切衣服  
中現毘盧遮那等過去一切諸佛未來一切諸佛已  
得授記未授記者現在十方一切國土一切諸佛并

其衆會亦現過去行檀那波羅蜜及其一切受布施者諸本事海亦現過去行尸羅波羅蜜諸本事海亦現過去行羸提波羅蜜割截支體心無動亂諸本事海亦現過去行精進波羅蜜勇猛不退諸本事海亦現過去求一切如來禪波羅蜜海而得成就諸本事海亦現過去求一切佛所轉法輪所成就法發勇猛心一切皆捨諸本事海亦現過去樂見一切佛樂行一切菩薩道樂化一切衆生界諸本事海亦現過去所發一切菩薩大願清淨莊嚴諸本事海亦現過去菩薩所成力波羅蜜勇猛清淨諸本事海亦現過去

一切菩薩所修圓滿智波羅蜜諸本事海如是一切本事海悉皆徧滿廣大法界至佛所已頂禮佛足卽於上方化作一切金剛藏莊嚴樓閣及帝青金剛王蓮華藏師子之座以一切寶光明摩尼王網羅覆其身以演說三世如來名摩尼寶王爲髻明珠與其眷屬結跏趺坐。

疏十上方相好等中十句通答因問中第十本事因緣兼答波羅蜜及所入諸地以十度卽是別地所行故別約初句答入一切衆生所住處及受一切衆生所施并爲一切衆生說布施功德如文思



之。鈔別約初句答入一切衆生所住處等者。上  
辨通答因中二句。此下別答果中三句。前下方有  
五句問答。此有三句。并第八問答第十影像。及現  
相答國土故。十問具矣。

疏其答問中。或不次者。以十方齊來。諸供齊現。文  
不累書。隨方異說。以問次往收。無不次矣。鈔其  
答問中。或不次者下。料揀次第。

疏又皆言本事者。表三世之法。體常住故。由得體  
用非一異智。以用隨體。無不存故。德相業用。皆自  
在故。鈔又皆言下。通釋本事之言。此約法性宗

釋。文中有二。初正釋。以法性常住。相卽性故。相亦  
常矣。此卽體非異。不壞二世。與體非一。性相本爾。  
卽德相門。隨其今見。卽業用門。故雙結二。皆得自  
在。凡但理然。不得德相成業用耳。

疏密嚴第二。云金剛藏菩薩。現種種形。說種種法。  
乃至云淨所依止。於佛地。如來蘊界。常無變異。故  
鈔二。故密嚴下。引證。先證業用。後乃至云淨所  
依止者。證德相門。

疏若理事別修。則不得爾故。不同餘處。現法體用  
俱有。過未體用皆無。況於小乘。三世有耶。以彼過

未。有。體。無。用。故。鈔。三。若。理。事。別。修。下。揀。異。他。宗。  
現。法。體。用。俱。有。等。卽。大。乘。義。况。於。小。乘。卽。有。宗。義。  
以。彼。過。未。有。體。無。用。者。出。異。所。以。有。宗。過。去。冥。伏。  
有。未。來。性。有。故。有。體。也。不。同。現。法。事。有。故。無。用。也。  
今。以。體。性。融。故。體。用。俱。有。斯。卽。有。卽。非。有。非。有。之。  
有。耳。

如。是。十。方。一。切。菩。薩。并。其。眷。屬。皆。從。普。賢。菩。薩。行。願。  
中。生。以。淨。智。眼。見。三。世。佛。普。聞。一。切。諸。佛。如。來。所。轉。  
法。輪。修。多。羅。海。已。得。至。於。一。切。菩。薩。自。在。彼。岸。於。念。  
念。中。現。大。神。變。親。近。一。切。諸。佛。如。來。一。身。充。滿。一。切。

世界。一切如來衆會道場。

疏。第。二。如。是。十。方。下。通。讚。德。行。中。二。初。總。後。以。淨。  
智。下。別。就。別。讚。中。三。十。四。句。分。三。初。五。句。明。上。近。  
諸。佛。德。二。於。一。塵。中。下。十。四。句。下。攝。衆。生。德。三。一。  
切。菩。薩。神。通。下。十。五。句。大。用。自。在。德。亦。各。三。種。三。  
業。今。初。一。淨。眼。見。佛。卽。是。意。業。二。聞。如。來。法。卽。  
淨。修。語。業。餘。三。句。並。顯。身。業。自。在。鈔。亦。各。三。種。  
三。業。者。一。名。近。佛。三。業。二。攝。化。三。業。三。神。通。三。業。  
於。一。塵。中。普。現。一。切。世。間。境。界。教。化。成。就。一。切。衆。生。  
未。曾。失。時。一。毛。孔。中。出。一。切。如。來。說。法。音。聲。



疏第二下攝衆生德中三。初微細化生。

知一切衆生悉皆如幻。知一切佛悉皆如影。知一切諸趣受生悉皆如夢。知一切業報如鏡中像。知一切諸有生起如熟時談。知一切世界皆如變化。成就如來十力無畏。

疏二知一切衆生下七句。明攝衆生之智。故末句結云十力無畏。前六別明。一緣集非真故。二隨機本質映光有勝劣故。三諸趣思所起故。四隨照映質有妍媸故。五想所持故。六無而忽有。甞有還無故。

勇猛自在。能師子吼。深入無盡辯才大海。得一切衆生言辭海諸法智。於虛空法界所行無礙。知一切法無有障礙。

疏二勇猛下五句。明攝生語業。於中初句總顯決定。下四句別明四辨。鈔下之四句別明四辯者。初句樂說無礙。二得一切下詞無礙。三於虛空法界下義無礙。四知一切法下法無礙。

一切菩薩神通境界。悉已清淨。勇猛精進。摧伏魔軍。疏第三大用自在德中。初句總明所得。餘別明通用。於中三。一三業摧邪。勇進通三故。

恒以智慧了達三世。知一切法。猶如虛空。無有違諍。亦無取著。雖勤精進。而知一切智終無所來。雖觀境界。而知一切有悉不可得。以方便智入一切法界。以平等智入一切國土。

疏二恒以智下六句。明意業自在。皆權實雙行。故一智了三世事。慧達三世空。二知法如空。空無可諍。而不壞有。故不著空。三進無進相。故曰無來。四卽有而空。五卽空而有。故云方便。六智入性土。

以自在力。令一切世界展轉相入。於一切世界處處受生。見一切世界種種形相。於微細境現廣大。利於

廣大境現微細。利於一佛所一念之頃。得一切佛威神所加。普見十方無所迷惑。於刹那頃悉能往詣。

疏三以自在力下七句。身業自在可知。

如是等一切菩薩滿逝多林。皆是如來威神之力。

疏第三如是等下。總結集因。

于時上首諸大聲聞。舍利弗。大目犍連。摩訶迦葉。離婆多。須菩提。阿菟樓駄。難陀。劫賓那。迦旃延。富樓那等。諸大聲聞在逝多林。

疏大文第五于時上首下。舉失顯得分。亦名舉劣顯勝。明不共。故於中三。初明不見之人。二皆悉下。



撰述  
垂肩疏金卷二  
六  
明所不見境。三何以下。釋不見所由。今初舍利。此云鷲鷲。其母目精明利。似彼鳥故。弗者子也。從母立稱。故標子言。鈔今初舍利弗。然諸弟子。古今譯殊。今多依羅什三藏。言鷲鷲者。大乘法師云。是百舌鳥。亦云春鷲。古德引經亦云。其母辯才。如彼鳥故。此中是舊梵語。新云舍利弗。但羅。弗。但羅。卽子也。又舍利亦翻爲身。母好身品故。或舍利云。珠母之聰利相在眼珠故。並從母之稱。增一云。我佛法中智慧無窮。決了諸疑者。舍利弗第一。智論四十一。稱爲如來左面弟子。父名優婆提舍。

疏目健連。此云采菽氏。上古仙人。山居豆食。尊者母是彼種。從外氏立名。有大神通。揀餘此姓。故復云大。鈔目連梵語卽古譯。義卽新譯。新梵語云。摩訶沒特伽羅。然疏約母氏得名。若從父稱。此名俱利迦。亦名俱洒多。亦云俱律陀。此云吉占。智論云。舍利弗以才明見貴。目健連豪彥最重。智藝相比。德行互同。增一云。我弟子中神通輕舉飛到十方者。大目連第一。智論四十一。稱爲右面弟子。梵得勝之殿。蹴耆域之車。壓調達五百之徒。尋佛聲過恒河沙界。德難稱也。

疏摩訶迦葉。此云大飲光。本族仙人。及尊者身。並有光明。飲蔽日月。頭陀第一。揀餘迦葉。故云大也。鈔此云飲光者。真諦等同譯爲飲光。上古譯云龜氏。其先學道。靈龜負圖而應之。因以命族。增一阿含云。羅閱祇大富長者。名迦毘羅。婦名檀那。子名畢鉢羅。婦名婆陀。其家十倍勝辨沙王。十六大國無與爲鄰。畢鉢羅。卽迦葉名也。其父禱此樹而生。故付法藏傳云。毘婆尸佛滅後。其塔中像。金色缺壞。時有貧女。得金珠。請打爲箔。金師歡喜。治瑩佛畢。立誓爲夫婦。九十一劫。天上人中。身恒金色。

恒受快樂。最後爲迦葉。夫婦畏勝王得罪。減一犁。但用九百九十九雙牛。金犁。又經云。其家有氎。最下品者。直百千兩金。以釘釘入地十尺。氎不穿。如本不異。六十庫金粟。一庫管二百四十斛。又經云。以麥飯供養辟支佛。恒起切利。各千返受樂。身三十二相。但論金色耳。剎浮那陀金。在濁水底。光徹水上。在暗暗滅迦葉身。光勝此金光。照一由旬。增一云。佛法中行十二頭陀。難行苦行。大迦葉第一。揀餘迦葉者。卽如十力迦葉。優樓頻螺等。疏離波多。此云室星。祀之而生。故或云所供養。或

撰述  
華嚴疏鈔卷二  
七

王那  
華嚴疏鈔卷六十之  
八



撰述  
華嚴疏鈔卷二  
八  
云假和合卽智論二鬼食人之事。鈔離波多。此  
云室星。其言卽古今同釋。法華云離波多。新云頡  
麗伐多。皆梵音輕重。或云所供養者。卽音義釋也。  
假和合。古今同也。卽智論二鬼食人之事者。謂此  
人行涉空亭止宿。見二鬼爭屍。皆言我先持來。二  
鬼共言。取其分判。此人實見小鬼持來。及被鬼問。  
竊自思惟。我隨言一持來。彼不得者。必當見害。我  
寧實語而死。終不虛誑而終。遂如實答。小者持來。  
被其大鬼。拔其手足。隨而食之。得屍之鬼。便取其  
屍手足。隨安。彼鬼食竟。拭口而去。及明憂惱。不測

誰身。言假和合。初常疑云。若我本身。眼見拔去。若  
是他身。復隨我行住。疑惑猶預。逢人卽問。汝見我  
身不。衆生見之云。此人易度。而語之云。汝身本是  
他人之遺體。非已有也。悟此假合。因卽得道。以常  
問故。亦云常作聲也。

疏須菩提。此云善現。生而室空。現善相故。鈔生  
而室空者。相師占云。是善相故。亦云善吉。亦曰空  
生。其義一耳。解空第一。得無諍三昧。有供養者。現  
與其福。亦曰善吉。

疏阿菟樓駄。此云無滅。一食之施。九十一反天上

撰述  
華嚴疏鈔卷二  
人間不沒惡趣故。鈔阿菟樓駄等者。亦云阿泥  
菟豆。或阿那律。亦云阿泥嚕多。並梵音楚夏。皆云  
無滅。亦曰無貧。言一食之施者。賢愚經說。弗沙佛  
未時世饑饉。有辟支佛名利吒。行乞空鉢無獲。有  
一貧人。見而悲憐。白言勝士。能受稗不。卽以所噉  
奉之。食已。作十八變。後更採稗。有鬼跳抱其背。變  
爲死人。無伴得脫。待暗還家。委之於地。卽成金人。  
拔指隨生。用却還出。取之無盡。惡人告王。欲來奪  
之。但見死屍。而其所覩。卽是金寶。現報若是。九十  
一反。卽果報也。又其生已。復家業豐溢。日夜增益。

父母欲試之。蓋空器皿。往送。撥看百味具足。而其  
門日日常有一萬六千取債。一萬六千還直。出家  
後隨所至處。人見歡喜。欲有所須。如已家無異。卽  
世尊之堂弟斛飯王之次子也。

疏難陀。此云歡喜。性極聰敏。音聲絕倫。故。鈔難  
陀等者。卽放牛難陀。

疏劫賓那。此云黃頭。黃頭仙人之族。故。鈔劫賓  
那者。疏釋卽音義中。大乘法師。及天台等。舊譯爲  
房宿。然有二義。一以父母禱此星宿。感此子生。故  
二云與佛同房宿。故謂初出家時。未得見佛。始向



佛所夜復值雨。寄宿陶師房中。以草爲座。晚又一  
比丘寄宿。卽推草座與之。自在地坐。中夜相問。欲  
何所之。答云。覓佛。後比丘卽說法辭去。豁然得道。  
後比丘卽佛也。增一阿含云。我佛法中。善知星宿  
者。劫實那第一。則亦從所知爲名。

疏迦旃延。此云翦剃種。鈔迦旃延者。卽大乘法  
師釋。謂上古多仙。山中靜處。年歲旣久。鬢髮稍長。  
無人爲剃。婆羅門法。要剃髮故。一仙有子。兄弟二  
人。俱來觀父。小者乃爲諸仙剃之。諸仙願護。後成  
仙道。爾來此種。皆稱翦剃。

疏富樓那。此云滿。具云滿慈子。其母甚慈。亦從母  
稱。鈔富樓那。具云滿慈子者。梵語云彌多羅尼  
子。滿願是名。父於江邊禱梵天求子。正值江滿。又  
夢七寶器盛滿中寶。入母懷。母遂懷子。父願獲滿。  
從此立名。彌多羅。此云慈行。亦云四圍陀。中有此  
品名。其母誦之。以此爲名。尼者女也。以母名子。各  
爲慈子。增一云。善能廣說。分別義理。滿願子最第  
一。  
疏而言等者。等取五百。廣辨古今譯殊。德行緣起。  
如智論及音義中說。鈔如智論及音義。畧說已。

撰述  
垂履疏鈔卷二  
如上引智論多說緣起。卽引四阿含等經。然其列  
名。或從德行勝劣。或從出家先後。如法華阿若孺  
陳如在初等。故報恩經說。初度五人。次度耶舍門  
徒五十人。次度優樓嚩螺門徒五百。次度伽耶門  
徒三百。次度那提門徒二百。次度身子門徒一百。  
次度目連門徒一百。合舉大數。成一千二百五十  
人。若十二遊經兼出其年云。佛成道第一年度五  
人。第二年度二迦葉。第五年度身子目連。則爾後  
更多。故法華初有萬一千羅漢。二千學無學等。今  
此但舉五百。以從勝劣列之。卽法華第三周第一

與記者體德大同故。故成佛名號等亦皆同也。望  
今本門卽皆大菩薩。故偏舉之。

皆悉不見如來神力。如來巖好。如來境界。如來遊戲。  
如來神變。如來尊勝。如來妙行。如來威德。如來住持  
如來淨刹。

疏第二明所不見境中三。初不見果。有十句。初總  
餘別。多同念請果中初之十句。重闍同空等。卽是  
神變。不壞本相。卽是遊戲。餘可準思。鈔多同念  
請果中初之十句者。神力卽前如來力。巖好卽前  
如來身。境界全同。遊戲卽前自在。神變亦是二昧。



三昧現故。尊勝卽如智。如智最勝故。妙行卽前智行。威德卽前無畏。住持卽前加持。故皆同也。前來心念佛。向示之。皆不見耳。重闕同空下。畧示向來神變及遊戲相。

亦復不見。不可思議。菩薩境界。菩薩大會。菩薩普入。菩薩普至。菩薩普詣。菩薩神變。菩薩遊戲。菩薩眷屬。菩薩方所。菩薩莊嚴師子座。菩薩宮殿。菩薩任處。菩薩所入三昧自在。菩薩觀察。菩薩頻申。菩薩勇猛。菩薩供養。菩薩受記。菩薩成熟。菩薩勇健。菩薩法身清淨。菩薩智身圓滿。菩薩願身示現。菩薩色身成就。菩

薩諸相。具足清淨。菩薩常光衆色莊嚴。菩薩放大光網。菩薩起變化雲。菩薩身徧十方。菩薩諸行圓滿。

疏次亦復下。明不見因。卽諸菩薩初總明。卽分齊境界。次菩薩大會下。別顯會通新舊。入謂身徧刹塵。智入諸法等。普至卽新來。普詣卽此往。皆言普者。一橫豎徧故。二一卽一切故。餘句準上諸來菩薩作用中辨。及上離世間品十十所明。如是等事。一切聲聞諸大弟子。皆悉不見。疏後如是等下。總結不見。

何以故。以善根不同故。

疏第三不見所由者。然皆廢本從迹。以顯一乘因果。不共深玄。篤諸後學。令習因種。文中二。先徵後釋。徵意。云。身廁祇園。目對尊會。而莫覩神變。其故何耶。後釋意。云。彼境殊勝。宿因現緣。並皆闕故。其猶日月麗天。盲者不覩。雷霆震地。聾者不聞。道契則隣。不在身近故。菩薩自遠而至。聲聞在會。不知文自廣釋。分爲三別。初法。次喻。後徵。以結成。今初分二。先明闕宿因故。後復次下明闕現緣故。今初分四。初一總標大小善差。二本不修下。舉劣異勝。三如是皆是下。舉勝揀劣。四以是因緣下。結不見聞。今初有小善根。得廁嘉會。大小善異。不覩希奇。

本不修習見佛自在善根故。

疏二舉劣中有十八句。前十二句釋不見佛果之因。後六句釋不見菩薩之因。前中初句總餘句別。本不讚說十方世界一切佛刹清淨功德故。本不稱歎諸佛世尊種種神變故。

疏由不讚等。卽是不集見佛自在善根。於中二。初二句不讚果故。

本不於生死流轉之中發阿耨多羅三藐三菩提心。



撰述  
華嚴疏鈔卷二  
故本不令他住菩提心故。本不能令如來種性不斷絕故。本不攝受諸眾生故。本不勸他修習菩薩波羅蜜故。

疏後九句不修因故。於中亦二。前五句闕自分行。本在生死流轉之時。不勸衆生求於最勝大智眼故。本不修習生一切智諸善根故。本不成就如來出世諸善根故。本不得嚴淨佛刹神通智故。

疏後四句闕勝進行。亦是前明陋心。後顯劣心。故不能見。

本不得諸菩薩眼所知境故。本不求超出世間不共

菩提諸善根故。本不發一切菩薩諸大願故。本不從如來加被之所生故。本不知諸法如幻菩薩如夢故。本不得諸大菩薩廣大歡喜故。

疏二本不得菩薩眼下。釋不見菩薩所因。一。不見十眼所見無礙法界。二。闕無障礙智之因。若但修真常離念。卽共二乘菩提之善。法華游戲神通。卽聞而不樂。此中樂而不聞。餘可思之。鈔法華遊戲神通等者。舉法華揀異。亦是通妨。今云揀異者。卽法華信解品。四大聲聞自敘云。世尊往昔說法既久。我時在座身體疲懈。但念空無相無作。於菩

羅述  
香巖頭金卷二  
薩法遊戲神通淨佛國土成就衆生。心不喜樂。卽聞而不樂也。下偈兼出不樂所以云。一切諸法。皆悉空寂。無生無滅。無大無小。無漏無爲。如是思惟。不生喜樂。釋曰。旣了無生。故不喜樂。是以結云。勿滯寂故。八地云。諸法眞常離心念。二乘於此亦能得也。言通妨者。此何令其不聞。彼何令其得聞。此義至下釋之。

疏旣本因中不修不見。願諸後學。修見佛因。勿滯冥寂。鈔旣本下結勸修實。

如是皆是普賢菩薩智眼境界。不與一切二乘所共。

疏第二舉勝揀劣。言如是等者。指前佛由迴等所不見法。普賢智境。卽是舉勝。不共。一乘各爲揀劣。以是因緣。諸大聲聞不能見。不能知。不能聞。不能入。不能得。不能念。不能觀察。不能籌量。不能思惟。不能分別是。故雖在逝多林中。不見如來。諸大神變。

疏第四以是因緣下。結不見聞。以前闕因。境勝因緣。故不能見。於中初後總明。中十別顯。謂眼不見。心不知。耳不聞。本有不證。新成不獲。無方便不能念觀。無後得不能籌量。淺深。思惟。旨趣。分別事理。復次諸大聲聞。無如是善根故。無如是智眼故。無如



是三昧故。無如是解脫故。無如是神通故。無如是威德故。無如是勢力故。無如是自在故。無如是任處故。無如是境界故。是故於此不能知。不能見。不能入。不能證。不能住。不能解。不能觀察。不能忍受。不能趣向。不能遊履。又亦不能廣爲他人開闡解說。稱揚示現。疏第二明闕現緣故。不見中二。初明無勝德行故。不見。次何以故下。明任自乘解脫故。不見。後是故。雖在下。結成不見。今初分二。先十句明無勝德行。卽是前所不見境。亦卽是前宿因不修勝進四

句。不修故。無。無故。不見。初總餘別。勢力卽是加持。餘皆同前後。是故於此。下十句顯不能見。入有二。義前文約證。今約了達。餘可知。

何以故。諸大弟子。依聲聞乘。而出離故。成就聲聞道。滿足聲聞行。安住聲聞果。於無有諦得決定智。常住實際。究竟寂靜。遠離大悲。捨於衆生。住於自事。於彼智慧。不能積集。不能修行。不能安住。不能願求。不能成就。不能清淨。不能趣入。不能通達。不能知見。不能證得。

疏第二明任自乘故。不見中。先釋後徵。以此二段

反覆相成。故徵以釋之。謂何以無如是善根等。由  
住自乘作證故。亦應徵云。何以作證。由無上善根  
故。所無在前。故畧不明耳。此段亦同法華自釋心  
不喜樂云。何以故。世尊令我等出於三界。得涅槃  
證故。鈔所無在前者。卽前無如是善根故。無如  
是智眼故等。此段亦同法華自釋等者。亦信解品。  
言自釋不喜樂者。彼前文心不喜樂。後便云。何以  
故等。如疏意云。世尊昔說聲聞有究竟極果。我今  
已證故。菩薩法非我所學。故不樂也。旣已得證。卽  
住自乘故。雖上根身子樂十力等。而復自嗟我無

此物。

疏釋文亦二。先明住自乘作證。後於彼智慧下。結  
成所無。今初十句。初總餘別。別中一道者。以見修  
等道。斷惑集故。不同菩薩無住道等。二三行果可  
知。四觀諦智別。謂我空法有。不能我有法空。各有  
無諦。以證現觀。各決定智。故無菩薩中道第一義  
三諦之理。亦如涅槃。聲聞有諦。而無真實。五已證  
理故。六捨事故。下三句。成上聲聞行。一內無悲。二  
外捨物。三但自調。又上十句。總爲四失。一初句出  
籠而不出細。但出分段故。次四句得權失實。次三



撰述  
聖嚴疏鈔卷二  
句滯寂失悲。後二句捨生自度。二結成所無。卽由  
住自乘。故無前智等。亦有十句。但於前一智。有十  
不能。餘三昧等。例此可知。鈔一道者。卽釋經成  
就聲聞道。言見修等者。等取方便及無學也。言斷  
惑集者。集卽集諦。通於業惑。菩薩無任等者。等取  
教道證道。一道二道。乃至無量道。而教證等名。二  
乘亦有。特與異者。卽無任道。若約其義。教證亦殊  
故云等也。  
是故雖在逝多林中。對於如來。不見如是廣大神變  
疏二結成不見。

○疏第二佛子。如恒河。下喻顯。文有十喻。自古諸德  
皆將配前所迷佛果十句。唯第九二天一喻。喻上  
第二如來嚴好。餘皆如次。此亦有理。今解有二。一  
者隨一一喻。總喻不見因果等境。以合文中亦言  
不見菩薩衆故。又不喻菩薩之德。義不盡故。又合  
文中多從總合。但言不見如來神變。明通諸句。二  
者別喻諸德。若全不別。何俟多喻。然雖別喻。亦通  
因果。而前九約勝境爲喻。謂恒河須彌等。喻佛德  
故。後一就劣法爲喻。入滅盡定。喻二乘故。於前九  
中。配所迷菩薩之德。其義則次。配所迷如來之德。

撰述  
善廣疏鈔卷二  
五  
義少不次所喻義別。至支當知。又第一。五十。單喻聲聞不見第二。三四七。雙喻菩薩聲聞見不見別。餘三佛對聲聞論見不見。有此三類者。文影畧耳。又唯約聲聞說者。十喻皆喻彼無德故。就中初一兼喻有障故。後一兼喻任自乘故。且就前九約勝境爲喻。顯九種勝德。其後一種總明不共。顯十無盡。前九德中。一一皆具通別二意。鈔今解有二。下申今正義。便彈古義。以舉今正。揀昔成非故。於中有二。先通中二。一總辨通。通有二義。一通因果。二通喻諸句。後以合文下引證辨通。文有三節。一

正引文證。通於菩薩。二又不喻下。反以義證。合通菩薩。三又合文下。正引文證。通喻諸德。二者別喻等者。舉正以揀昔非。於中有八。一總出別喻之由。卽反顯也。二然雖別下。揀異昔非。三而前九下。通明十喻異相。四於前九下。總示別喻德相。五又一五十下。約迷悟之人。揀其喻相。六又唯約聲聞下。別示迷者異相。七且就前下。將欲釋文。重揀第三諸喻別相。八前九下。通收通別二意。

佛子。如恒河岸。有百千億。無量餓鬼。裸形饑渴。舉體焦然。烏鷲豺狼。競來搏撮。爲渴所逼。欲求水飲。雖任



河邊而不見河。設有見者。見其枯竭。何以故。深厚業障之所覆故。

疏。今初鬼對恒河喻。其恒河清流。通喻佛及菩薩。潤益甚深德。別喻佛神力及菩薩境界德。以此二句爲初總故。鬼喻二乘。有所知障故。不見亦喻不得諸法喜故。

疏言餓鬼等者。生分已盡爲鬼。未得無生忍。衣爲裸形。不得法界行食爲饑。不得真解脫味爲渴。由此故稱爲餓。此上並無真道。卽是業餘。行苦所遷。爲舉體焦然。卽是苦餘。空見爲烏鷲。有見爲豺狼。

於斯作決定解。爲搏撮內。含大機有真脫分。名爲渴所逼。欲求水飲。身在法會。名任河邊。不覩神變。名不見河。雖覩世尊。但見支六。爲見枯竭。無明翳膜。名爲業障。卽煩惱餘。鈔言餓鬼等下。牒釋經文。十喻皆然。言生分已盡爲鬼者。如鬼已捨生人。故卽是業餘者。三餘之義。已見上文。然總相說。以無漏有分別。名爲業餘。今未得無生。未得法界。未證真解脫。皆有分別也。行苦所遷者。苦餘卽變易生死意生身。此約已入無餘者。今約未入無餘。以苦依身。卽行苦也。空見爲烏鷲下。皆是煩惱餘。然

撰述  
聖嚴師金卷二  
三  
煩惱餘通是無明住地。卽是所知障。所知障有二。一所知之障。卽以業障喻所知之障。故云蔽其眼。故二所知卽障。故經云智障甚盲冥。謂真俗別執。今於有無作決定解。卽真俗別執。故是智障。鳥歸虛空。故喻空見。獸依於地。故喻有見。不同法華鴉。臯鵬鷲等。喻界內煩惱。雖觀世尊下。此明二乘但見自分境界耳。五俱輪等。最初受道。豈見世尊。始成正覺。身徧十方。智入三際等。

彼大聲聞。亦復如是。雖復任在逝多林中。不見如來。廣大神力。捨一切智。無明翳膜覆其眼。故不曾種植。薩婆若地。諸善根故。

疏後彼大下合中。先合業障。不曾已下。合裸形等。鈔不曾已下。合裸形等者。無生忍衣。法界行食。皆一切智諸善根也。

譬如有人。於大會中。昏睡安寢。忽然夢見。須彌山頂。帝釋所住。善見大城。宮殿園林。種種嚴好。天子天女。百千萬億。普散天花。徧滿其地。種種衣樹。出妙衣服。種種華樹。開敷妙華。諸音樂樹。奏天音樂。天諸采女。歌詠美音。無量諸天。於中戲樂。其人自見。著天衣服。普於其處。任止周旋。其大會中。一切諸人。雖同一處。



不知不見何以故。夢中所見非彼大眾所能見故。  
疏第二覺夢相對喻。夢游天宮通喻佛及菩薩高  
顯廣大德。別喻如來游戲神變二句。及菩薩大會  
已下十一句。喻甚相似。鈔及菩薩大會下十一  
句者。謂一菩薩大會。二菩薩普入。三菩薩普至。四  
普詣。五神變。六遊戲。七眷屬。八方所。九莊嚴師子  
座。十宮殿。十一菩薩任處。今文夢往須彌山。卽普  
至普詣。入善見大城等宮殿。卽菩薩宮殿。城池園  
林。卽是任處。天子天女卽眷屬。開華奏樂卽是神  
變。歌詠戲樂卽是遊戲。任止周旋卽是座矣。

疏然此下八喻。約二乘喻。明其無德。亦有通別。通  
則於一一德不了。皆由前闕因緣。故別則各喻無  
德不同。此一喻無如是神通故。又不知菩薩如夢  
故。然合文中明無如是智眼。故者從通相合。故下  
數段皆合無眼。文中先喻。後一切菩薩下合。鈔  
然此下八喻。六約二乘料揀。以初一喻聲聞。但有  
不得法喜之一德耳。故此下八具於通別。

一切菩薩世間諸王。亦復如是。以久積集善根力故。  
發一切智廣大願故。學習一切佛功德故。修行菩薩  
莊嚴道故。圓滿一切智智法故。滿足普賢諸行願故。

撰述  
聖嚴疏鈔卷二  
趣入一切菩薩智地故遊戲一切菩薩所任諸三昧故。已能觀察一切菩薩智慧境界無障礙故。是故悉見如來世尊不可思議自在神變。一切聲聞諸大弟子皆不能見。皆不能知。以無菩薩清淨眼故。

疏合中二。先合夢者自見。後一切聲聞下。合大會不見。並可思也。

譬如雪山。其衆藥草。良豎詣彼。悉能分別。其諸捕獵放牧之人。恒住彼山。不見其藥。此亦如是。以諸菩薩入智境界。具自在力。能見如來廣大神變。諸大弟子。唯求自利。不欲利他。唯求自安。不欲安他。雖在林中。

不知不見。

疏第三。愚對雪山。喻雪山良藥。通喻幽邃難見德。別喻亦喻佛境界。所悲境故。喻菩薩所任處。悲救衆生。爲所任故。其捕獵等。喻聲聞無大悲救衆生病。亦是無如是境界故。

譬如地中。有諸寶藏。種種珍異。悉皆充滿。有一丈夫。聰慧明達。善能分別一切伏藏。其人復有大福德力。能隨所欲。自在而取。奉養父母。賑卹親屬。老病窮乏。靡不均贍。其無智慧。無福德人。雖亦至於寶藏之處。不知不見。不得其益。此亦如是。諸大菩薩。有淨智眼。



能入如來不可思議甚深境界。能見佛神力。能入諸法門。能遊三昧海。能供養諸佛。能以正法開悟衆生。能以四攝攝受衆生。諸大聲聞不能得見如來神力。亦不能見諸菩薩衆。

疏第四伏藏難知。喻藏則通。喻秘密難知。德別。喻如來尊勝。可寶重故。喻菩薩所入三昧及觀察。頻申勇猛供養。如喻思之。薄福。喻聲聞。無如是威德故。鈔喻菩薩。下如喻思之者。然合文自具。若約喻者。伏藏猶如三昧。聰慧分別。卽是觀察。隨欲而取。卽是頻申。有大福力。卽當勇猛。奉養父母。卽供

養也。

譬如盲人至大寶洲。若行若住。若坐若卧。不能得見一切衆寶。以不見故。不能採取。不得受用。此亦如是。諸大弟子。雖在林中。親近世尊。不見如來自在神力。亦不得見菩薩大會。何以故。無有菩薩無礙淨眼。不能次第悟入法界。見於如來自在力故。

疏第五盲不見寶喻。寶洲通喻。迥絕難測德。別喻如來妙行。積行圓妙故。喻菩薩受記成熟。勇猛可知。盲喻二乘。無如是善根故。鈔喻菩薩受記等者。不能採取。卽無勇猛。不得受用。卽無授記成就。

義也。

譬如有人得清淨眼。名離垢光明。一切闇色。不能爲障。爾時彼人。於夜闇中。處在無量百千萬億人衆之內。或行或住。或坐或卧。彼諸人衆。形相威儀。此明眼人。莫不具見。其明眼者。威儀進退。彼諸人衆。悉不能覩。佛亦如是。成就智眼。清淨無礙。悉能明見一切世間。其所示現神通變化。大菩薩衆。所共圍繞。諸大弟子。悉不能見。

疏第六淨眼無障喻。通喻智照難量德。別喻如來威德。菩薩法身已下五句。不覩威儀。喻二乘無如是自在故。鈔喻菩薩法身下五句者。卽菩薩法身清淨。菩薩智身圓滿。願身示現。色身成就。菩薩諸相具足。釋曰。五句不出菩薩形相威儀故。

譬如比丘。在大衆中。入徧處定。所謂地徧處定。水徧處定。火徧處定。風徧處定。青徧處定。黃徧處定。赤徧處定。白徧處定。天徧處定。種種衆生身徧處定。一切語言音聲徧處定。一切所緣徧處定。入此定者。見其所緣。其餘大衆。悉不能見。唯除有住此三昧者。

疏第七徧處定境喻。通喻周徧難思德。別喻如來淨刹。菩薩常光。衆色莊嚴。菩薩放大光明網。不見



撰述  
華嚴疏鈔卷二  
定境喻聲聞無如是三昧故。喻中言徧處者。於一切處周徧觀察。無有間隙。故名徧處。鈔言徧處等者。疏文有三。初釋名。俱舍頌云。徧處有十種。八如淨解脫。後二淨無色。緣自地四蘊。論云。謂八自性。皆是無貪爲性。若并助伴。五蘊爲性。又云。有餘師說。唯風徧處。緣所觸中。風界爲性。言八者。卽青黃赤白地水火風。如今經辨。依第四靜慮。緣欲可見色。如淨解脫。後二如次空識。一處若無色爲其自性。各緣自地四蘊爲性。應如此中修行者。從諸解脫入諸勝處。入此徧處。以後後智勝前前故。謂

修解脫。但於所緣。總取淨相。未能分別青黃赤白。後四勝處。雖能分別青黃赤白。而未能作無邊行相。前四徧處。謂觀青等。一一無邊。餘如疏辨。言勝處者。勝處有八種。二如初解脫。次二如第二。後四如第三。謂前二解脫。各分多少。有四。後四卽青黃赤白。能制伏心境緣處。故名勝處。

疏然瑜伽智度俱舍等論。皆說有十。今有十二。前八同彼。彼中九名空徧處。十名識徧處。先觀青等。普徧。次觀青等爲何所依。知由地等。次思所觀由何廣大。知由於空。次思能觀。知由依識。前八依第

四靜慮觀欲可見色。後二依無色定。瑜伽十二云。何故徧處。唯說色觸二處。建立由此二種。共自他身。徧有色界。常相續故。眼等根色。唯屬自身。香味二塵。不徧一切。聲塵有間。是故不說。無色界中。空徧一切處。識所行境。亦徧一切。故立此二。鈔前八依下。三辨所依定。已如上引。瑜伽十二云。下。四明建立於中。有二先問。後由此二種下答。問言。色觸者。意云。何以十二處中。唯依二處。謂青黃赤白。是色處。地水火風。是觸處。以堅濕煖動。是所觸故。答中亦二。先明立二之由。此有二義。次下當知。後

從眼等下。明於十處。不立徧處。所以亦有三節。次第對上。一眼等根色。唯屬自身者。對上通自他身。二香味二塵。不徧一切者。對上徧有色界。以二禪已上。無鼻舌識故。亦無香味二塵。三聲聞有間者。對上常相續故。聲發則聞。不發不聞。故有間斷。言是故不說者。通結上三節。於十色處中。不說八色處。爲徧處也。

疏今以宗別。合空識二爲天徧處。前論所揀。皆容假想。稱性周徧。加於三事。十名種種衆生身徧處者。卽前所揀眼等根色。干一語言音聲。卽前聲塵。



撰述  
華嚴疏鈔卷二  
十二一切所緣。卽六塵境。則收前香味及法塵境。例此天徧處言。亦可通於諸天。鈔例此下。以論例經。重釋前天徧處。謂上論所揀。今皆取之。例天徧處。亦可通所揀。

如來所現不可思議諸佛境界。亦復如是。菩薩具見。聲聞莫覩。

疏次如來所現下。合文可知。

譬如有人以翳形藥。自塗其眼。在於衆會。去來坐立。無能見者。而能悉視衆會中事。應知如來亦復如是。超過於世。普見世間。非諸聲聞所能得見。唯除趣向。

一切智境諸大菩薩。

疏第八妙藥翳形喻。通喻隱顯超世德。別喻如來住持。喻菩薩起變化雲德。不覩者。喻聲聞無如是解脫故。

如人生已。則有二天恒相隨逐。一曰同生。二曰同名。天常見人。人不見天。應知如來亦復如是。在諸菩薩大集會中。現大神通。諸大聲聞悉不能見。疏第九二天隨人喻。通喻微妙難壞德。別喻如來嚴好。菩薩身徧十方。諸行圓滿德。不覩二天喻。一乘無如是勢力故。亦喻無悲捨衆生故。

譬如比丘。得心自在。入滅盡定。六根作業。皆悉不行。一切語言。不知不覺。定力持故。不般涅槃。一切聲聞。亦復如是。雖復住在逝多林中。具足六根。而不知不見。不解不入。如來自在。菩薩衆會。諸所作事。

疏第十滅定不行喻。唯喻聲聞。安住自乘。證實際。故亦總喻無德。鈔第十滅定不行喻者。然滅定之義。六地已畧明。今當更說。薩婆多宗。此定唯依有頂地起。以下諸地。皆各有想。行相麤動。難可止息。此有頂地。名爲非想。行相微細。易可止息。故唯有頂有滅盡定。俱舍頌云。滅盡定名體。爲淨。任有

頂。謂滅盡定。以二十二法爲體。謂修定前。有二十一心。所及心王。故言二十一心所者。謂大地十。大善地十。欣厭隨一。爲滅定。故有二十二法。不相應。行替處。名爲滅定。隨滅爾許。心心所法。爲定體也。若成實論第十六滅定品云。問曰。若此中意。以泥洹爲滅者。是汝先言九次第定中滅定。心心數滅。是則相違。答曰。滅定有二。一諸煩惱盡。二煩惱未盡。煩惱盡者。在解脫中。煩惱未盡。在次第中。一滅煩惱。故名滅定。二滅心心數法。故名滅定。滅煩惱。是第八解脫。亦名阿羅漢果。若唯識第七云。滅盡



定者謂有無學。

卽羅漢及獨一辟支也。

或有學。

二果身證阿那含。

已伏惑障無所有貪。

謂無所有

已下諸貪滅。

上貪不定。

上貪未滅也。

由止息想作

意爲先令不恒行六識染汚。

染汚第七

心心所滅

令上二識俱不行故。

令身安和故亦名定。

謂有心

定令心平等安帖和悅爲安和。今無心定由定前

心力能令身心平等和悅如有心定故亦名定。由

偏厭想受亦名滅彼定也。

卽加行心顯揚第一二。

滅盡定者謂已離無所有處欲或入非非想處定

或復上進入無想定或復上進由起暫息想作意

前方便故止息所緣不恒行諸心心法及恒行一

分諸心心法滅也餘文可知。

疏又上十喻從後逆次配前闕因後之十句謂一

喻無法喜。一喻不知菩薩如夢。二喻不從如來加

被之所生等如理思之。其前十句但通爲不見之

因。鈔又上十喻從後逆次配前闕因後之十句

者。疏但出三謂一鬼對恒河喻。喻無法喜。法喜爲

食故。二夢遊天宮喻。喻不知菩薩如夢幻故。此相

甚顯。三愚對雪山喻。喻不從如來加被之所生故

其合經云。以諸菩薩入智境界。具自在力。得見如

撰述  
華嚴疏鈔卷二  
來神變自在。卽如來加被之力。其捕獵者。卽無加被也。四伏藏難知。喻本不發一切菩薩諸大願力。故謂無福力。卽闕大願。五盲不見寶。喻不求超出世間。不共菩薩諸善根。故無眼不見於寶。卽闕不共善根。六淨眼無障。喻本不得諸菩薩眼所知境。故此喻更顯諸人不見。喻於二乘不見淨眼境。故七徧處定境。喻本不得嚴淨佛剎神通智。故青等徧淨。卽淨刹也。八妙藥翳形。喻本不成。就如來出世諸善根。故翳形之藥。卽出世善根。九二天隨人。喻本不修習生一切智諸善根。

故二天見人。卽一切智。人不見天。故無此也。十滅定不行。喻本在生死流轉之時。不勸衆生。求於最勝大智眼。故諸識不行。豈當有眼。故於六境都不見知。是故十喻對前十因。文相甚顯。令如理思。其前十句。但通爲不見之因者。卽前本不修習見佛自在善根。故本不讚說十方世界一切諸佛剎清淨功德等。別相不顯。逆順配之。俱不全似。故通爲不見之因。欲顯具於通別義。故。

何以故。如來境界甚深廣大。難見難知。難測難量。超諸世間。不可思議。無能壞者。非是一切二乘境界。是



故如來自在神力。菩薩聚會。及逝多林。普徧一切清淨世界。如是等事。諸大聲聞。悉不知見。非其器故。

疏第三何以故下。徵以結成。文有十句。結前十喻。唯第七八爲順前合。故有前却。餘皆如次。鈔餘皆如次者。一如來境界甚深。結鬼對恒河喻。二廣大。結夢遊天宮喻。三難見。結愚對雪山喻。四難知。結伏藏難知喻。五難測。結盲不見寶喻。六難量。結淨眼無障喻。七超諸世間。結徧處定境喻。八不可思議。結妙藥翳形喻。九無能壞者。結二天隨人喻。十非是一切二乘境界。結滅定不行喻。六根作業。皆不行故。其間文意。極相順故。

疏上來法喻。廣顯聲聞不見聞等。問般若經明聲聞若智若斷。皆是菩薩無生法忍。若是其忍。何以上文皆言無菩薩德耶。又文殊巡行經中。五百聲聞聞而不信。法華不輕。亦令其聞。何得此中不令聞耶。答爲顯不共故。故智論明般若有共不共。指此不思議經。不共二乘說故。鈔問般若下。二申難也。引於二經。而有一難。一引大品難無現緣。言若智若斷者。彼經具云。須陀洹若智若斷。皆菩薩無生法忍。斯陀舍若智若斷。皆是菩薩無生法忍。

阿那含若智若斷皆是菩薩無生法忍。阿羅漢辟支佛皆別之。若智若斷皆是菩薩無生法忍。下結難可知。又文殊巡行經下。後引二經。不令聞今此一經。畧以義引耳。若具引者。各文殊利師巡行經。以說文殊徧巡五百比丘房。皆見寂定。因以爲名。最後難舍利弗。以顯甚深般若。問舍利弗言。我時見汝獨處一房。結趺坐。折伏其身。汝爲當坐禪耶。不耶。答云。坐難云。爲欲令未斷者斷。故坐禪耶。等因此廣顯性空無得之理。時五百比丘從座而起。於世尊前高聲唱言。從今已去。更不須見文殊。

身不須聞其名字。如是方處。速應捨離。所有文殊一切任處。亦莫趣向。所以者何。文殊煩惱解脫。一相說故等。舍利弗令文殊爲決了。文殊言實無文殊而可得故。若實無文殊可得者。彼亦不可見等。廣爲說法。四百比丘漏盡得果。一百更謗。陷入地獄。後還得道。廣如彼說。故云五百比丘聞而不信。意云。何以此會。不令其聞而不信耶。法華不輕。亦令其聞者。引意同前。卽第六經。常不輕品。不輕徧禮四衆云。我不輕汝等。汝等行菩薩道。當作佛。卽宣一切衆生皆有佛性。如來知見平等之理。爲令



聞也。衆人或以杖木瓦石而打擲之。復於千劫入阿鼻地獄。受大苦惱。從地獄出。還遇常不輕教化。卽跋陀婆羅等菩薩。卽二經之中。皆令其聞。一時之謗。後皆成益。今何不爾。答爲顯不共下。第三會釋。於中有五。一顯不共般若。不共般若。已如前引。若準天台意。前以通教難於圓別。今以圓別揀異於通。

疏又大聖化儀。其類不等。或令聞不信。以爲遠種。如上所引。或以威力令其出會。如法華中五千拂席。或令在會使其不聞。卽如今經。然法華漸教之終。將收敗種。故加令其去。篤勵在會。使其信受。此經頓教之始。爲顯深勝。留使不聞。令諸後學。修見聞種。鈔又大聖化儀下。第二化儀不同也。於中有四。一通上巡行法華之問。或以威力下。二揀外謗顯。彼經云。衆中之糟糠。佛威德故去。然法華下四會釋。二經此依化儀漸頓二教。通釋經意。法華是漸者。化儀漸故。先說三乘。引導衆生。然後以大乘而度脫之。故云漸也。非法門爲漸。將收敗種者。義如前引。謂二乘結斷。如根敗土。無利五欲。如焦穀子。不能生芽。卽昔教意。今至法華。二根聲聞。

撰述  
對廣師金卷二  
皆得記別。不在此會。亦爲宣陳。則焦穀生芽。盲聾視聽。死屍再起。寒灰重熱。而言將收者。當未廣說。先且斥之。使在會者。自欣多幸。故云激勵。是以經云。此衆無枝葉。唯有諸真實。故彼疏中云。繁柯既亡。則貞幹存焉。廣說之後。方復收之。故不在會。亦合爲說。此經頓教之始者。初成頓說。故未有滯權。不須引斥。直彰不共。顯法難思。在會不聞。由無因種。若修因種。於何不聞。故云。令修見聞種也。

疏又復大乘該於小乘。則其智斷。皆是菩薩法。恐小智不知大智。故此云。於有無諦。作決定解。不見不聞。鈔又復大乘該於小乘下。第二通局有殊也。小乘猶於百川。不攝大海。大乘猶如大海。必攝百川。言小智不知大智者。卽莊子意。彼云。小智不測大智。小年不測大年。朝菌不知晦朔。蟪蛄不知春秋。小乘螢光。豈知日照。

疏又若已開顯。卽權爲實。漸故法華云。汝等所行。是菩薩道。若權實相對。則如聾盲。非其器故。其猶黎庶以對於王。貴賤懸隔。以王收人。則率土之內。莫非王人。是以若約普收。卽一切衆生。無不具有。如來智慧。況於二乘。無漏因果。若校優劣。則權教



撰述  
疏廣師金卷二  
久行菩薩尚不信聞。况於二乘。二乘上首尚如聾盲。况凡夫外道。鈔又若已開顯下。第四開顯有殊。法華對昔。以權覆實。故今開顯。萬行同歸。華嚴直顯一實深玄。須對權令知。故如聾啞。

疏既非其器。本不合列。爲顯法勝。大權菩薩示爲聾盲。是知聾盲。於勝有力。能顯勝。故勝劣相望。力用交徹。成大緣起。方是深玄。鈔既非其器下。第五結成緣起。卽是華嚴圓教別來之意也。

爾時毘盧遮那願光明菩薩。承佛神力。觀察十方而說頌言。

汝等應觀察。佛道不思議。於此逝多林。示現神通力。  
疏大文第六爾時下。偈頌讚德分。既至詠德。顯所證。故文中十方菩薩卽爲十段。初二讚道場。三昧等用。餘八通讚佛德。今初東方總讚一會。十頌分二。初總餘別。

善逝威神力。所現無央數。一切諸世間。迷惑不能了。  
法王深妙法。無量難思議。所現諸神通。舉世莫能測。  
以了法無相。是故名爲佛。而具相莊嚴。稱揚不可盡。  
今於此林內。示現大神力。甚深無有邊。言辭莫能辨。  
疏別中亦二。前四歎佛。於中初二歎內德。一廣。二

深。次一歎內外無礙。後一結成今用。

汝觀大威德。無量菩薩衆。十方諸國土。而來見世尊。  
所願皆具足。所行無障礙。一切諸世間。無能測量者。  
一切諸緣覺。及彼大聲聞。皆悉不能知。菩薩行境界。  
菩薩大智慧。諸地悉究竟。高建勇猛幢。難摧難可動。  
諸大名稱土。無量三昧力。所現諸神變。法界悉充滿。  
疏後五歎菩薩。一總顯雲集。二願行深。三超下位。  
四智地高。五定用廣。

爾時不可壞持。爾時菩薩。承佛神力。觀察十方。而說  
頌言。

二ノ五十五